



服部文庫
イ17
228
2



117
228
2

論語古訓卷第六

日本 信陽 太宰純 撰



先進第十一 舊二十五章。今定二十四章。千六十八字。

子曰。先進於禮樂。野人也。後進於禮樂。君子也。

孔安國曰。先進後進。謂士先後輩也。禮樂因世損益。後進與禮樂俱得時之中。斯君子先進有古風。如用之。則吾從先進。包咸曰。將移斯野人也。淳素。先進猶近古風。故從之。純曰。用之。謂上之人。用此先進後進之士也。從。如從大夫之從之。

子曰。從我於陳蔡者。皆不及門也。從。才用反。鄭玄曰。言弟

乎之從我而危於陳蔡者皆不及仕進之門而失其所也。茂卿曰：不及門，言不及衛國門也。德行。顏淵。閔子騫。冉伯牛。仲弓。言語。宰我。

子貢。政事。冉有。季路。文學。子游。子夏。行下孟反。○朱

熹曰：弟子因孔子之言，記此十人，而并目其所長，分為四科也。茂卿曰：四科乃四教之所成。德行，行也。文學，文也。言語，尚信。政事，尚忠。孔子以四教，其所成人才，亦不過此四科而已。

子曰：回也非助我者也。於吾言無所不說。說音悅。○

孔安國曰：助，猶益也。言回聞言即解，無可發起，增益於己也。朱熹曰：助我，若子夏之起予。因疑問而有以相長也。

子曰：孝哉閔子騫。人不閒於其父母昆弟之言。

閒，古覓反。○方言曰：閒，非也。邢昺曰：昆，兄也。茂卿曰：孝哉閔子騫者，外人之言也。蓋閔子騫而其父母昆弟常稱之，外人信之，亦皆曰孝哉閔子騫。是人閒於其父母昆弟之言也。孔子所以美之也。

南容。三復白圭。孔子以其兄之子妻之。三息暫反。又如

字。妻，七細反。○孔安國曰：詩云：白圭之玷，尚可磨也。斯言之玷，不可為也。南容讀詩至此，三反覆之，是其心慎言也。邢昺曰：此即邦有道不廢，邦無道免於刑戮者也。弟子各記所聞，故又載之。詩大雅抑篇。

季康子問弟子孰為好學。孔子對曰：有顏回者

好學不幸短命死矣。今也則亡。未聞好學者

也。陸本無季字。好呼報反。下同。未句六字皇本有。○范滂曰。哀公康子問同。而對有

其能問者。臣之告君。不可不盡。若康子者。必待其能問乃告之。此教誨之道也。茂卿曰。禮也。

顏淵死。家語曰。顏回年二十九。而髮白。三十一早死。顏路請子之車

以為之椁。椁古廓反。○七十二弟子解曰。顏由。顏回父。字季路。孔安國曰。家貧。故欲請孔子之

車。賣以作椁。子曰。才不才。亦各言其子也。

鯉也。死有棺而無椁。吾不徒行以為之椁。以

吾從大夫之後。不可徒行也。皇本吾不下有可字。不可上有

吾以二字。○朱熹曰。鯉。孔子之子伯魚也。先孔子卒。言鯉之才。雖不及顏淵。然已與顏路

顏淵死。子曰。噫。天喪予。天喪予。噫。於其反。喪息也。杜預曰。嘗為大夫而去。故言後也。皇本

如字。非。○包咸曰。噫。痛傷之聲也。茂卿曰。顏淵為孔子疏附之友。孔子嘗以其才可與有

為。今顏淵先死。則孔子之事已矣。故以為天喪已也。

顏淵死。子哭之慟。從者曰。子慟矣。慟。徒送反。從才用反。○馬

融曰。慟。哀過也。子曰。有慟乎。子曰。不自知已之悲哀過

也。非夫人之為慟。而誰為慟。夫音符。為于偽反。下同。句未慟

字。皇本有。論衡作吾。非斯人之慟。而誰為。○朱熹曰。夫人。謂顏淵。言其死可惜。哭之宜慟。

非他人之此也。

顏淵死。門人欲厚葬之。子曰：不可。

純曰：門人何。

晏曰：禮，貧富各存宜。顏淵家貧，而門人欲厚葬之，故不聽也。純曰：子游問喪具，夫子曰：稱家之有亡，是知貧而厚葬，非禮也。

門人厚葬之。朱熹曰：蓋子

曰：回也視予猶父也。予不得視猶子也。非我

也。夫二三子也。

夫音符。○朱熹曰：歎不得如葬。鯉之得宜也。茂卿曰：夫字

屬上為句。二三子謂門人在他邦者。聞顏氏厚葬，必將非議。夫子不能救之也。

季路問事鬼神。子曰：未能事人，焉能事鬼。曰：敢

問死。曰：未知生，焉知死。

焉於虔反。下同。皇本敢問卜有事字。○陳

羣曰：鬼神及死事難明。語之無益，故不答也。

閔子侍側，閔閔如也。子路行，行如也。冉有子貢

侃侃如也。子樂。

皇本閔子下有騫字。閔魚巾反。胡浪反。又戶郎反。冉有

皇本作冉子。侃苦旦反。樂音洛。○鄭玄曰：樂，各盡其性也。行行，剛強之貌也。

由也，不得其死然。

易曰：然猶焉也。

魯人為長府。

鄭玄曰：長府，藏名也。藏貨曰府。茂卿曰：哀公云：二吾猶不足，蓋魯是

時厚斂而多取。舊府不能容，故更失之也。閔子騫曰：仍舊貫，如之

何？何必改作？

仍，魯論作仁。貫古亂反。○子曰：仍，因也。貫，事也。

夫人不言言必有中。夫音符。中陟仲反。○茂也。意者其後長。附災。故孔子以為言中。謂有驗也。

子曰由之鼓瑟奚為於丘之門。鼓字皇本有。○鼓瑟不合雅頌也。邢昺曰。奚何也。純曰。所謂北鄙殺伐之聲。不足於中和。故孔子譏之。事

見家語。門人不敬子路。子曰由也升堂矣。未入

於室也。朱熹曰。門人以夫子之言。遂不敬子路。故夫子釋之。純曰。升堂入室。喻聞

道之淺深也。

子貢問師與商也孰賢。子曰師也過商也不及。

皇本問下有曰字。賢下有乎字。○邢昺曰。孰誰也。孔安國曰。言俱不得中也。

曰然

則師愈與。子曰過猶不及也。愈以主反。與音

○何晏曰。愈猶勝也。邢昺曰。與為疑辭。

季氏富於周公而求也為之聚斂而附益之。為

偽反。句末之字。皇本作也。○孔安國曰。周公天子之宰。卿士也。冉求為季氏宰。為之急賦稅也。純曰。冉有得罪於孔子。故

子曰非吾徒也。小子鳴鼓而攻之可也。王充曰。攻者責也。責讓之也。鄭玄曰。

小子。門人也。鳴鼓。聲其罪以責之也。

柴也愚。參也魯。師也辟。亦作辟。○純

之愚。參也魯。孔安國曰。師也辟。亦作辟。○純

柴也愚。柴仕佳。○七十二弟子。解曰。高柴。齊人。高氏之別族。字子羔。何晏曰。愚。愚直

也。參也魯。魯。鈍也。

師也辟。亦作辟。○純

師也辟。亦作辟。○純

師也辟。亦作辟。○純

師也辟。亦作辟。○純

師也辟。亦作辟。○純

師也辟。亦作辟。○純

曰辟偏也如由也嘑嘑五旦反○鄭玄曰子

癘疾之癘也言學路性行剛彊常吸嘑失於禮

也容子曰回也其庶乎屢空曰屢力住反○茂卿

顏氏之子其殆庶幾乎與此義同言其庶幾乎興也凡人言庶幾皆然朱熹曰屢空數

至空也賜不受命而貨殖焉億則屢中反皇本

作植億於力反史記作意中陟仲反○朱熹曰命謂天命貨殖貨財生殖也億意度也王

充曰子貢善居積意貴賤之期數得其時故貨殖多富比陶朱

子張問善人之道子曰不踐迹亦不入於室迹亦反字亦作跡○孔安國曰踐循也茂卿曰不踐前人之迹而能自成功業然亦不入先

王之室如管仲者可以當之

子曰論篤是與君子者乎色莊者乎與音餘○純曰論篤

猶論定也茂卿曰是是非之是

子路問聞斯行諸子曰有父兄在如之何其聞

斯行之冉有問聞斯行諸子曰聞斯行之皇本

其聞斯行之下有也字○小爾雅曰諸之乎也公西華曰由也問聞

斯行諸子曰有父兄在求也問聞斯行諸子

曰聞斯行之赤也惑敢問子曰求也退故進

之由也兼人故退之孔安國曰惑其問同而答異也鄭玄曰言冉有

深
有仁不
意尤

性謙退。子路務在勝尚人。各因其人之失而正之。純曰兼人。謂兼人之所為也。

子畏於匡。顏淵後。子相安國曰言與孔子相失。故在後也。子曰。吾以

女為死矣。曰。子在。回何敢死。女音汝。包咸曰言夫子在。已

無所敢死也。

季子然問仲由冉求可謂大臣與。與音餘。下者與同。○孔安

國曰季子然。季氏之子弟也。自多得臣此二子。故問之也。邢昺曰疑而未定。故云與也。

子曰。吾以子為異之問。曾由與求之問。曾音朱。熹曰。曾。猶乃也。輕

在登反。○孔安國曰謂子問異事耳。則此二人之問。安足為大臣乎。朱熹曰。曾。猶乃也。輕季然也。抑所謂大臣者。以道事君。不可則止。

今由與求也可謂具臣矣。孔安國曰言備臣數而已也。邢昺曰

具。備也。朱熹曰。意二子既非也。為而子曰。弑父與君。亦不從也。

音弑。陸本作殺。已。國曰言二子雖從其主。亦不與為大逆也。

子路使子羔為費宰。費音秘。○朱熹曰。子路為季氏宰而舉之也。

子曰。賊夫人之子。夫音符。下同。○包咸曰。子羔學未熟習而使為政。所以為

賊。害人之子也。純曰。賊。夫人之子者。子產所謂猶未能操刀而使割也。其傷實多者是也。

子路曰。有民人焉。有社稷焉。何必讀書。然後

為學。孔安國曰言治民事神於是而習。子亦學也。至充曰。書。五經之總名也。子曰。

是故惡夫佞者。惡烏路反。○孔安國曰：疾其以口給應，遂已非而不知窮也。

子路曾皙冉有公西華侍坐。

皙星歷反。坐才臥反。又如字。○七十

二弟子解曰：曾點曾參父字子皙。

子曰：以吾一日長乎爾，毋

吾以也。

長竹丈反。毋音無。皇本作無。下以字。鄭本作已。○孔安國曰：言我問女，女

無以我長故難對也。純曰：爾女也。

居則曰：不吾知也。如或知

爾，則何以哉？

孔安國曰：女常居云。人不知己也。如有用女者，則何以爲治乎。

子路率爾而對曰：千乘之

國，攝乎大國之間，加之以師旅，因之以饑饉。

由也爲之比及三年，可使有勇，且知方也。

繩

證反。饑音機。鄭本作飢。饑其各反。比必利反。下同。○何晏曰：率爾，先三人對也。包咸曰：攝

迫也。迫於大國之間也。爾雅曰：穀不熟爲饑。蔬不熟爲饉。何晏曰：方，義方也。朱熹曰：率爾

輕遽之貌。攝管束也。二千五百人爲師。五百人爲旅。因仍也。純曰：加之，以師旅者。大國以

師旅加。夫子哂之。融曰：哂，笑也。○馬求爾何如。

對曰：方六七十，如五六十，求也爲之比及三

年，可使足民也。如其禮樂，以俟君子。

下也。字皇本有。

○朱熹曰：求爾何如。孔子問也。下放此。如猶或也。何晏曰：求，性謙退。言欲得方六七十如

五六十里小國治之而已也。孔安國曰：求自能足民而巳。謂衣食足也。若禮樂之化當

以待君子。謙之辭也。赤爾何如。對曰。非曰能之。願學焉。

宗廟之事。如會同。端章甫。願為小相焉。非曰音越。

相息亮反。鄭玄曰。我非自言能也。願學為之。宗廟之事。謂祭祀也。諸侯時見曰會。殷見

曰同。端。玄端也。衣玄端。冠章甫。諸侯日視朝之服也。小相。謂相君禮者。朱熹曰。言小亦謙

辭。點爾何如。鼓瑟希。鏗爾舍瑟而作。對曰。異

乎。三子者之撰。鏗苦耕反。舍音捨。撰士免反。鄭本作撰。○朱熹曰。四子侍

坐。以齒為序。則點當次對。以方鼓瑟。故孔子先問求赤。而後及點也。孔安國曰。思所以對

故其音希也。鏗。爾者。投瑟之聲也。子曰。何傷置瑟起對也。撰。具也。為政之具也。

乎。亦各言其志也。陸本無也字。○孔安國曰。曰。各言己志。於義無傷。

莫春者。春服既成。得冠者五六人。童子六七

人。浴乎沂。風乎舞雩。詠而歸。莫音暮。字亦作暮。得字。皇本有。

冠古亂反。浴音欲。沂魚依反。雩音于。歸。鄭本作饋。論衡同。○包咸曰。莫春者。季春三月也。

春服既成者。衣單袷之時也。我欲得冠者五六人。童子六七人。浴乎沂水之上。風涼於舞

雩之下。歌詠先王之道。而歸夫子之門也。朱熹曰。浴。盥濯也。今上巳祓除是也。沂水名。在

魯城南。地志以為有溫泉焉。理或然也。風。乘涼也。邢昺曰。雩者。祈雨之祭名。使童男女舞

之。春官。女巫。職曰。旱暵則舞雩。因謂其處為舞雩。舞雩之處。有壇。墀樹木。可以休息。故云

風乎舞雩也。純曰。恐此莫春者。以夫子喟然

歎曰。吾與點也。喟苦位反。○周生烈。三子者

出曾皙後曾皙曰夫三子者之言何如子曰亦各言其志也已矣夫音符曰夫子何哂由也

子曰為國以禮其言不讓是故哂之字皇本子

有。○包咸曰為國以禮禮道貴讓子路言不讓故笑之也朱熹曰夫子蓋許其能特哂其

不讓唯求則非邦也與安見方六七十如五六

十而非邦也者與音餘下同安陸本作焉於

亦欲為國而不見哂故微問之唯赤則非邦

也與宗廟會同非諸侯而何赤也為之小孰

能為之大皇本宗廟下有之事如三字陸德明曰非而何皇本作如之何○孔

安國曰明皆諸侯之事與子路同徒笑子路不讓也亦謙言小相耳誰能為太相者也朱熹曰此亦曾皙問而夫子答也孰能為之大言無能出其右者亦許之之辭

顏淵第十二凡二十四章千四字

顏淵問仁子曰克己復禮為仁一日克己復禮

天下歸仁焉為仁由己而由人乎哉馬融曰克己約

身也孔安國曰復反也身能反禮則為仁矣

行善在己不在人也純曰克己復禮古志之一語夫子異曰亦引之見左氏傳為猶行也

日克己復禮天下歸仁焉者即夫子所謂德

之流行速於置郵而傳命者也顏淵曰請問其目子曰非禮

勿視非禮勿聽非禮勿言非禮勿動包咸曰知其必

有條目。故請問也。鄭玄曰。顏淵曰。回雖不敏。此四者。克己復禮之目也。

請事斯語矣。王肅曰。敬事。此語必行之。

仲弓問仁。子曰。出門如見大賓。使民如承大祭。

己所不欲。勿施於人。在邦無怨。在家無怨。

國曰。為仁之道。莫尚乎敬也。邢昺曰。大賓。公侯之賓也。大祭。禘郊之屬也。茂卿曰。在邦。謂

在邦之人。卿大夫是也。在家。謂在家之人。鄉人是也。君奭曰。在家不知純曰。左氏傳載曰。季曰。臣聞之。出門如賓。承事如祭。仁之則也。蓋古有斯語。而孔子亦誦之以告仲弓也。

仲弓曰。雍雖不敏。請事斯語矣。

司馬牛問仁。子曰。仁者其言也訥。訥音刃。字或作讒。○七十

二弟子解曰。司馬犁耕。宋人。字子牛。孔安國曰。訥。難也。曰。其言也訥。斯

可謂之仁已矣乎。子曰。為之難。言之得無訥

乎。可字已字。皇本有。○孔安國曰。行仁難矣。言仁亦不得不難。

司馬牛問君子。子曰。君子不憂不懼。孔安國曰。牛兄桓魋。將為亂。牛自宋來學。常憂懼。故孔子解之。

曰。不憂不懼。斯可謂之

君子已矣乎。子曰。內省不疚。夫何憂何懼。

已字。皇本有。省。悉井反。疚。久又反。夫。音符。○包咸曰。疚。病也。內省。無罪惡。無可憂懼也。皇侃曰。內省。謂反自視己心也。

司馬牛憂曰。人皆有兄弟。我獨亡。亡音無。○鄭玄曰。牛兄桓

同。應行惡。死喪無日。我獨為。子夏曰。商聞之矣。無兄弟也。邢昺曰。亡。無也。

死生有命。富貴在天。君子敬而無失。與人恭

而有禮。四海之內。皆為兄弟也。君子何患乎

無兄弟也。為字皇本有。○包咸曰。君子疏惡。而友賢。九州之人。皆可以禮親也。

子張問明。子曰。浸潤之譖。膚受之愬。不行焉。可

謂明也已矣。浸潤之譖。膚受之愬。不行焉。可

謂遠也已矣。浸。子煬反。譖。側煬反。膚。方于反。曰。浸潤。如水之浸灌滋潤。漸漬而不驟也。譖。毀人之行也。膚受。謂肌膚所受。利害切身。如

易所謂剝牀以膚。切近災者也。愬。愬己之冤也。毀人者。漸漬而不驟。則聽者不覺其入。而

信之深矣。愬。冤者。急迫而切身。則聽者不及致詳。而發之暴矣。二者難察。而能察之。則可見其心之明。而不蔽於近矣。

子貢問政。子曰。足食足兵。使民信之矣。使字皇本有。○

純曰。信之者。信法令也。子貢曰。必不得已而去。於斯三

者何先。曰。去兵。去起呂反。下同。陸德明曰。子

貢曰。必不得已而去。於斯二者何先。曰。去食。

自古皆有死。民無信不立。皇本無子貢二字。無作不。○孔安國

曰。死者。古今常道也。人皆有之。治邦不可失信也。茂卿曰。民無信不立者。上無信。則民不

立也。

棘子成曰。君子質而已矣。何以文為。棘紀力反。成。皇本作

城。○鄭玄曰。舊說云。棘子成。衛大夫也。朱熹曰。疾時入文勝。故為此言。子貢曰。

惜乎。夫子之說君子也。駟不及舌。駟音四。○

言一出。駟馬追之。不及舌也。純曰。文猶質也。質猶文也。虎豹之鞞。猶犬羊之鞞也。

也。字。皇本有。○孔安國曰。皮去毛。曰鞞。革也。朱熹曰。言文質等耳。不可相無也。

純曰。虎豹之皮去毛者。與犬羊之皮去毛者。無別耳。言不可無文也。

哀公問於有若曰。年饑用不足。如之何。有若對

曰。盍徹乎。饑音機。鄭本作飢。盍戶臘反。○鄭

玄曰。盍。何不也。周法。什一而稅。謂

之徹。徹。通也。為天下之通法也。朱熹曰。用。謂國用也。曰。二。吾猶不足。如

之何其徹也。孔安國曰。二。謂什二而稅也。純

對曰。百姓足。君孰與不足。百姓不足。君孰與

足。孔安國曰。孰。誰也。

子張問崇德辨惑。陸德明曰。惑。亦作或。○邢昺

子曰。主忠信。徙義。崇德也。主。忠。信。解在學而

義。則徙。意。從之。愛之欲其生。惡之欲其死。既欲其生。

又欲其死。是惑也。惡。烏路反。○包咸曰。愛。惡

之。是心。誠不以富。亦祇以異。○邢昺曰。此

頤曰。此錯簡。當在第十六篇齊景公有馬千駟之上。因此下文亦有齊景公字而誤也。純曰。頤說是也。惟上字當為下。

齊景公問政於孔子。孔子對曰。君君臣臣。父父

子子。朱熹曰。齊景公名杵臼。是時景公失政。而不立太子。其君臣父子之間。皆失其道。故夫子告之以此。

公曰。善哉。信如君不君。臣不臣。父不父。子不子。雖有粟。吾

焉得而食諸。焉字陸本有。音於虔反。皇本或作豈。陸德明曰。一本無焉字。

孔安國曰。言將危也。朱熹曰。其後果以繼嗣不定。啓陳氏弑君篡國之禍。小爾雅曰。諸之也。乎。

子曰。片言可以折獄者。其由也與。折之舌反。魯

餘。○邢昺曰。折。猶決斷也。程頤曰。子路之言。信。故片言可以折獄。朱熹曰。片言。半言也。子

路忠信。明決。故言出而人信服之。不待其辭之畢也。子路無宿諾。何晏

猶豫也。子路篤信。恐臨時多故。故不豫諾也。朱熹曰。記者因夫子之言而記此。以見子路

之所以取信於人者。由其養之有素也。邢昺曰。或分此別為一章。今合之。

子曰。聽訟。吾猶人也。必也使無訟乎。無。漢書作

肅。曰。言與人等也。王。不知人之惡。小人又畏

子張問政。子曰。居之無倦。行之以忠。倦。其卷反

之字。皆指政。居之無倦者。○純曰。兩詩所謂不解于位之謂也。

子曰。君子博學於文。約之以禮。亦可以弗畔矣。

夫。君子二字皇本有。夫音符。○重出。

子曰。君子成人之美。不成人之惡。小人反是。朱熹

曰。成者。誘掖獎勸以成其事也。

季康子問政於孔子。孔子對曰。政者。正也。子帥

以正。孰敢不正。帥。所律反。以。皇本作而。○純曰。政者。所以正人之不正也。

孰。誰也。

季康子患盜。問於孔子。孔子對曰。苟子之不欲。

雖賞之不竊。子之。皇本無之字。○邢昺曰。苟。誠也。孔安國曰。言民化於上。不

從其所令。從其所好也。朱熹曰。言子不貪。欲。則雖賞民使之為盜。民亦知恥而不竊。

季康子問政於孔子。曰。如殺無道。以就有道。何

如。孔子對曰。子為政。焉用殺。子欲善而民善

矣。君子之德風也。小人之德草也。草尚之風

必偃。焉。於度反。二也。字皇本有。尚。邢本朱本皆作上。今從皇本。陸本同。○孔安國曰。

亦欲令康子先自正也。偃。仆也。加。草以風。無不仆者。猶民之化於上也。陸德明曰。尚。加也。

純曰。就。即也。書云。爾惟風。下民惟草。孔子之言。本於此也。

子張問士。何如斯可謂之達矣。子曰。何哉。爾所

謂達者。子張對曰。在邦必聞。在家必聞。鄭玄曰。言

士之所在皆能有名譽也。子曰：是聞也。非達也。夫達也者，

質直而好義，察言而觀色，慮以下人。在邦必

達，在家必達。夫音符，下同。好呼報反。下，遐嫁反。○馬融曰：常有謙退之志。察

言語觀顏色，知其所欲，其念慮常欲以下人也。謙尊而光，卑而不可踰也。夫聞也

者，色取仁而行違，居之不疑。在邦必聞，在家

必聞。行下孟反。○馬融曰：此言佞人也。佞人

自疑者也。佞人黨多也。

樊遲從遊於舞雩之下，曰：敢問崇德脩慝辨惑

從才用反。慝吐得反。○邢昺曰：樊遲隨從孔子遊於其下也。胡寅曰：慝之字從心從匿。蓋

惡之匿於心者。脩者治而去之。子曰：善哉！問脩身之要，故善

之。先事後得，非崇德與？攻其惡，無攻人之惡。

非脩慝與？一朝之忿，忘其身，以及其親，非惑

與？與音餘。下同。無，皇本作毋。○孔安國曰：先

言先難後獲也。邢昺曰：攻，治也。范祖禹曰：先

事後得，上義而下利也。人惟有利欲之心，故

德不崇，唯不自省，已過而不知人之過，故慝不

脩。感物而易動者，莫如忿。忘其身以及其親，

樊遲問仁。子曰：愛人。問知。子曰：知人。樊遲未達。

問知音智。下問知同。子曰：舉直錯諸枉，能使

純曰：蓋小之也。

論語

枉者直

錯七故反。字亦作措。下同。枉紆往反。純曰。舉直。知之事。使枉者直。仁之功。

樊遲退。見子夏曰。鄉也。吾見於夫子而問

知。子曰。舉直錯諸枉。能使枉者直。何謂也。子

夏曰。富哉言乎。

鄉許亮反。又作彛。同。見賢通反。皇本言上有是字。○孔安

國曰。富猶盛也。朱熹曰。歎其所包者廣也。純曰。富富有也。舜有天下。選於

衆。舉臯陶。不仁者遠矣。湯有天下。選於衆。舉

伊尹。不仁者遠矣。

選息戀反。又息轉反。下同。陶音遙。遠如字。又于萬反。

下同。○孔安國曰。言舜湯有天下。選擇於衆。舉臯陶伊尹。則不仁者遠矣。仁者至矣。

子貢問友。子曰。忠告而以善道之。不可則止。毋

自辱焉。

告古篤反。以字皇本有。道音導。不可二字。皇本作否。母音無。朱本作無。○

包咸曰。忠告。以是非告之也。以善導之。不見從則止。必言之。或見辱也。

曾子曰。君子以文會友。以友輔仁。

孔安國曰。友以文德合也。

友有相切磋之道。所以輔成己之仁也。

論語古訓卷第六終

論語古訓卷第六

Blank columns for text on the right page.

論語古訓卷第七

日本 信陽 太宰純撰

子路第十三

舊三十四章。今定三十一章。十四十字。

子路問政。子曰。先之勞之。

先勞並如字。○蘇軾曰。凡民之行。以身先

之。則不令而行。凡民之事。以身勞之。則雖勤不怨。純曰。先之勞之。猶言死之亡之也。二字皆指政事。請益曰。毋倦。○孔安國曰。子路嫌其少。故請益。曰。毋倦者。行此上事。毋倦則可也。

仲弓為季氏宰。問政。子曰。先有司。赦小過。舉賢

才。王肅曰。言為政當先任有司。而後責其事也。朱熹曰。有司。眾職也。純曰。先有司者。先

立有司者也。先有司則百事治辦。赦亦過則人自盡焉。舉賢才則官得其人。責曰焉。

知賢才而舉之曰舉爾所知。爾所不知人其

舍諸焉。於度反。舍音捨。一音赦。○孔安國曰。則賢才女所不知者。人將自舉之。各舉其所知無遺也。

子路曰。衛君待子而為政。子將奚先。朱熹曰。衛君謂出公。

輒也。是時魯哀公之十年。孔子自楚反乎衛。邢昺曰。奚。何也。包咸曰。問往將何所先行也。

子曰。必也正名乎。馬融曰。正百事之名也。朱熹曰。是時出公不父其父。

而禰其祖。名實紊矣。子路曰。有是哉。子之迂也。奚其正。迂音于。鄭本作于。○純曰。有是哉者。驚而歎也。家語云。有是哉。顏氏

之子。包咸曰。迂。猶遠也。言孔子之言。疏遠於事也。子曰。野哉。由也。君

子於其所不知。蓋闕如也。孔安國曰。野。猶不達也。朱熹曰。野。謂

鄙俗。純曰。闕。闕疑之闕。名不正則言不順。言不順則事不成。事不成則禮樂不興。禮樂不興則刑罰

不中。刑罰不中則民無所錯手足。中。陟仲反。錯七故反。

字亦作措。○孔安國曰。禮以安上。樂以移風。二者不行。則有淫刑濫罰也。故君子

名之必可言也。言之必可行也。君子於其言。無所苟而已矣。

樊遲請學稼。子曰。吾不如老農。請學為圃。子曰。

論語五川

論語五川

論語五川

論語五川

論語五川

論語五川

論語五川

吾不如老圃

稼音嫁。圃布古反。又音布。下子字。皇本有。○馬融曰。樹五穀曰

稼。樹菜蔬曰圃。茂卿曰。君子博物。孔子多能。意者夫子因事言稼圃之道。必有常人所不能及。知者焉。故樊遲請學之也。樊遲出。子曰。小人哉。樊須也。

上好禮。則民莫敢不敬。上好義。則民莫敢不

服。上好信。則民莫敢不用情。皇本無也字。好呼報反。下同。○

邢昺曰。謂其不學禮義而學農圃。故曰小人也。孔安國曰。情。情實也。言民化於上。各以情實應也。夫如是。則四方之民襁負其子而至矣。

焉。用稼。夫音符。襁居丈反。陸本作緇。焉於虔反。○包咸曰。禮義與信。足以成德。何

用學稼以教民乎。負者以器曰襁。陸德明曰。博物志云。織縷為之。廣八寸。長丈二。以約小

兒於背。

子曰。誦詩三百。授之以政。不達。使於四方。不能

專對。雖多。亦奚以為。使所吏反。○皇侃曰。背文而念曰誦。何晏曰。專

猶獨也。茂卿曰。聘禮記云。辭無常。鄭注。大夫使。受命不受辭。所以有專對之義也。

子曰。其身正。不令而行。其身不正。雖令不從。何

曰。令。教令也。

子曰。魯衛之政。兄弟也。皇本無也字。○包咸曰。魯周公之封。衛康叔之

封也。周公康叔既為兄弟。康叔睦於周公。其國之政亦如兄弟也。

子謂衛公子荆。善居室。始有。曰。苟合矣。少有。曰。

苟完矣富有曰苟美矣

完音桓。朱熹曰。公

完備也。茂御曰。居如居蔡之居室。家財也。荆以公子命為大夫。其初為家也。志不殉財也。如此。故孔子善之。

子適衛冉有僕

孔安國曰。孔子之衛。冉有御也。

子曰庶矣哉

安孔

國曰。庶。衆也。言衛人衆多也。

冉有曰既庶矣又何加焉曰

富之曰既富矣又何加焉曰教之

子曰苟有用我者期月而已可三年有成

期音後

漢書鮑昱傳注。作三年乃有成功。郎顛傳注。作三年乃成功。○邢昺曰。期月。周月也。謂周一年十二月也。孔安國曰。言誠有用我於政事者。期月而可以行其政教。必三年乃有成。

期月猶曰一月

功也。茂御曰。已。既已之已。連可字而讀。

子曰善人為邦百年亦可以勝殘去殺矣誠哉

是言也

勝音升。去。朱熹音起。呂反。○純曰。為邦。謂開國也。王肅曰。勝殘者。勝殘暴

之人。使不為惡也。去殺者。不用刑殺也。孔安國曰。古有此言。孔子信之也。

子曰如有王者必世而後仁

○孔子況反。又如字。年曰世。如有受命王者。必三十年。仁政乃成也。

子曰。苟正其身矣。於從政乎何有。不能正其身。

如正人何。邢昺曰。苟。誠也。

冉子退朝

冉子。韓氏筆解。內府本。朱本。皆作冉有。朝直遙反。○周生烈曰。謂罷朝於

論語古訓

魯君也。邢昺曰：少儀云：朝廷曰退。子曰：何晏也？對曰：有政。於

諫反。○邢昺曰：晏，晚也。子曰：其事也。如有政，雖不吾以。

吾其與聞之。與音預。○茂卿曰：大事曰政。小雖不治事，猶得與聞國政。朱熹曰：以，用也。禮，大夫純曰。此亦夫子正名之論。

定公問：一言而可以興邦，有諸？孔子對曰：言不

可以若是其幾也。幾，舊無音。今音機。○小爾雅曰：諸，之乎也。皇侃曰：若

是猶如此也。朱熹曰：幾，期也。詩曰：如幾如式。言一言之間，未可以如此而必期其效。人

之言曰：為君難，為臣不易。如知為君之難也，

不幾乎一言而興邦乎？易以鼓反。○朱熹曰：為定公言，故不及臣

也。曰：一言而可以喪邦，有諸？可以二字。皇本有。孔子

對曰：言不可以若是其幾也。人之言曰：予無

樂乎？為君，唯其言而莫予違也。喪息浪反。下同。樂音洛。皇

本莫上有樂字。今按當在唯下。○孔安國曰：言無樂於為君，所樂者，唯樂其言而不見違

也。如其善而莫之違也，不亦善乎？如不善而

莫之違也，不幾乎一言而喪邦乎？

葉公問政。子曰：近者說，遠者來。葉舒涉反。說音悅。○朱熹曰：被

其澤則說，聞其風則來。

子夏為莒父宰，問政。曰：舊說云：莒，父音甫。○鄭玄

子曰。毋欲速。毋見小利。欲速則不達。見小利

則大事不成。母音無。邢本朱本皆作無。今從陸本。○純曰。周書云。汝無以小

謀敗。大作。孔子之言。蓋有所本。欲速。見小利。皆所謂小謀也。

葉公語孔子曰。吾黨有直躬者。其父攘羊而子

證之。語魚據反。躬。鄭本作弓。○純曰。直躬。直者名躬也。猶言狂接輿也。周生烈曰。有

因而盜。曰攘。孔子曰。吾黨之直者異於是。父為子

隱。子為父隱。直在其中矣。為于偽反。下同。

樊遲問仁。子曰。居處恭。執事敬。與人忠。雖之夷

狄。不可棄也。處昌呂反。○純曰。恭敬而忠。可

用此三者以治之。況於中國乎。

子貢問曰。何如斯可謂之士矣。子曰。行己有恥。

使於四方。不辱君命。可謂士矣。使所吏反。○

恥者。有所不為也。茂卿曰。士之事莫大於使。故專言之。曰。敢問其次。曰。

宗族稱孝焉。鄉黨稱弟焉。筆解。孝弟上皆有其字。弟大計反。字

亦作悌。○邢昺曰。宗族。同宗族屬也。曰。敢問其次。曰。言必信。行

必果。硜硜然。小人哉。抑亦可以為次矣。行下孟反。

硜。苦耕反。趙岐。孟子注。作悻。○鄭玄曰。硜。硜者。小人之貌也。朱熹曰。硜。小石之堅確者。小

人。言其識量之淺狹也。皇侃曰。抑。語助也。凡事欲強。使相關。亦多云抑也。曰。今之

從政者何如子曰噫斗筭之人何足算也於噫

其反。筭所交反。算悉亂反。字亦作筭。○純曰。從政者。士也。鄭玄曰。噫。心不平之聲也。筭。竹器。容斗二升者也。算。數也。純。曰。斗筭。猶云車載斗量也。

子曰不得中行而與之必也狂狷乎狂者進取

狷者有所不為也狷音絹。孟子作猥。同。○純曰。此章。孟軻辯之詳。中行

道。作中。

子曰南人有言曰人而無恒不可以作巫醫善

夫。恒。胡登反。醫。於其反。夫。音符。○孔安國曰。南人。南國之人也。鄭玄曰。言巫醫不能治無恒之人也。包咸曰。善夫。善南人之言也。純曰。禮記。緇衣篇。子曰。南人有言曰。人而無恒。

不可以為卜筮。古之遺言。與龜筮猶不能知也。而況於人乎。此章之旨。得禮記而後明矣。

不恒其德或承之羞孔安國曰。此易恒卦之辭也。言德無常。則羞辱承之

也。朱熹曰。恒卦九三爻辭。承。進也。子曰。不占而已矣。鄭玄曰。占。吉凶也。無恒之人。易所不占也。茂卿曰。此孔子說易也。當別作一章。純曰。因上章無恒

之語。遂記之耳。

子曰君子和而不同小人同而不和純曰。和。如和羹之和。

同者。以水濟水之謂。晏子辯之詳。見左氏傳。昭公二十年。

子貢問曰鄉人皆好之何如子曰未可也鄉人

皆惡之何如子曰未可也不如鄉人之善者

至治人未必然也
或老好之或老惡也

論語

之或如夫子之言
然其終也莫不
一人用之也

好之。其不善者惡之也。好呼報反。下同。惡烏路反。下同。章未也。字

子曰：君子易事而難說也，說之不以道，不說也。

及其使人也，器之。易以鼓反。下同。說音悅。下

也。小人難事而易說也，說之雖不以道，說也。

及其使人也，求備焉。備兼備也。不古。外。因。上。章。論。曰。

子曰：君子泰而不驕，小人驕而不泰。純曰：泰者，尊大之稱。

驕，高人也。後篇孔子曰：君子無眾寡，無小大，無敢慢，斯不亦泰而不驕乎？其義可見也。小

人反。

其忠，心亢慨而溢形
諸外

子曰：剛毅木訥近仁。毅，魚既反。訥，奴忽反。○王肅曰：毅，果敢也。木，質樸也。

純曰：剛，不撓也。木，不文也。訥，即訥於言之訥。謂不佞也。四者之性，皆近仁也。此章與首篇

巧言令色章，正相表裏，以二章觀之，可以知仁矣。

子路問曰：何如斯可謂之士矣？子曰：切切，悃悃。

怡怡如也，可謂士矣。朋友切切，悃悃，兄弟怡

怡如也。悃音絲。又作悃。怡以之反。章未如也。二字皇本有。○馬融曰：切切，悃悃，相

切責之貌。怡怡，和順之貌。胡寅曰：切切，悃悃，詳勉也。怡怡，和悅也。

子曰：善人教民七年，亦可以即戎矣。包咸曰：即

也。言可以攻戰也。茂卿曰：教民者，教之戰也。訓練之謂也。下章放此。

子曰。以不教民戰。是謂棄之。馬融曰。言用不習之民。使之攻戰。必

破敗。是謂棄之也。純曰。以。如春。秋。以某師之。以。謂能左右之也。

憲問第十四 舊四十七章。今定四十六。章。千三百四十七字。

憲問恥。子曰。邦有道穀。邦無道穀恥也。孔安國曰。穀。祿也。邦有道。當食其祿也。君無道而在其朝。食

其祿。是恥辱也。茂卿曰。穀。謂廩粟也。士俸曰穀。純曰。此章原憲自記其所聞。故不言姓。而直稱名也。蓋論語後十篇。皆原思所記。

克伐怨欲不行焉。可以為仁矣。馬融曰。克。好勝人也。伐。自伐其

功也。怨。忌小怨也。欲。貪欲也。茂卿曰。此章首必有闕文。此蓋或人稱當時賢者之行也。

子曰。可以為難矣。仁則吾不知也。茂卿曰。此夫子之斷

也。語也。

子曰。士而懷居。不足以為士矣。茂卿曰。懷居者。戀其所居也。言

男子當有四方之志也。

子曰。邦有道危言危行。邦無道危行言孫。行。下

下同。孫音遜。○包咸曰。危。厲也。邦有道。可以厲言。行也。何晏曰。孫。順也。厲。行不隨俗。順言。以遠害也。朱熹曰。危。高峻也。

子曰。有德者必有言。有言者不必有德。仁者必有勇。勇者不必有仁。

南宮适問於孔子曰。羿善射。臯盪舟。俱不得其

南死然禹稷躬稼而有天下。夫子不答。適古治反。又作

括羿音詣。皋五報反。盪土浪反。○朱熹曰。南宮適。即南容也。孔安國曰。羿有窮之君也。篡

夏后相之位。其臣寒浞殺之。因其室而生。皋

稟多力。能陸地行舟。為夏后少康所殺也。此

二子者。皆不得以壽終也。馬融曰。禹盡力於

溝洫。稷播殖百穀。故曰躬稼也。禹及其身。稷

及後世。皆王也。適意欲以禹稷比孔子。孔子

謙。故不答也。邢昺曰。盪。推也。然猶焉也。稷。后

稷也。名棄。南宮適出。子曰。君子哉若人。尚德

哉若人。

子曰。君子而不仁者有矣夫。未有小人而仁者

也。

夫音符。○純曰。孔子之意。重在下句。上句特為下句而發耳。

子曰。愛之能勿勞乎。忠焉能勿誨乎。

勞舊音力。報反。朱熹

讀如字。○純曰。勞。勤勞也。

子曰。為命。裨諶草創之。世叔討論之。行人子羽

脩飾之。東里子產潤色之。

裨。婢之反。諶。時針

安國曰。裨諶。鄭大夫氏名也。朱熹曰。草。略也。

創。造也。謂造為草藁也。馬融曰。世叔。鄭大夫

游吉也。討。治也。裨諶既造謀。世叔復治而論

之。詳而審之也。行人。掌使之官也。子羽。公孫

揮也。子產居東里。因為號也。更此四賢而

成。故鮮有敗事也。邢昺曰。脩飾。潤色。皆謂增

脩。使華美也。茂。卿曰。討。與。討罪之討同。

義。討論者。指摘其非也。純曰。命。辭命也。

或問子產。子曰。惠人也。孔安國曰。惠。愛也。問子

西曰彼哉彼哉彼字佩觿集作彼甫委水義二反○馬融曰子西鄭大夫

彼哉彼哉言無足稱也或曰楚令尹子西也朱熹曰子西楚公子申彼哉者外之之辭郭忠恕曰埤蒼云彼邪也

問管仲曰人也奪伯氏駢邑三百

飯疏食沒齒無怨言駢薄田反又薄亭反飯扶晚反疏所居反

陸本作蔬食如字又音嗣○邢昺曰人也指管仲猶云此人也孔安國曰伯氏齊大夫駢

邑地名也齒年也伯氏食邑三百家管仲奪之使至疏食而沒齒無怨言以其當理故也

朱熹曰荀卿所謂與之書社三百而富人莫之敢拒者即此事也茂卿曰此問者之言也

舊說以人下以下為孔子之答非也今按下文子曰以下乃孔子之答也舊分為二章者

也誤子曰貧而無怨難富而無驕易易以鼓反○王肅曰

貧者善怨富者善驕二者之中貧者入難使不怨也茂卿曰言管仲能使伯氏貧而無怨此治國者所難也

子曰孟公綽為趙魏老則優不可以為滕薛大

夫也綽昌略反滕徒登反薛息列反也字皇本有○孔安國曰公綽魯大夫也趙魏

皆晉卿也家臣稱老公綽性寡欲趙魏貪賢家老無職故優滕薛小國大夫職煩故不可

也為

子路問成人子曰若臧武仲之知公綽之不欲

木莊子之勇冉求之藝文之以禮樂亦可以

為成人矣知音智下皮彥反○馬融曰臧武仲魯大夫臧孫紇也公綽孟公綽

也。鄭玄曰。卞莊子。秦大夫。周生烈曰。卞邑大夫。純曰。卞。魯下邑。言使四子者。學禮樂。則皆可以為成人也。曰。今之成人者。何必然。見利

思義。見危授命。久要不忘平生之言。亦可以

為成人矣。朱熹曰。復加曰字者。既答而復言也。馬融曰。義然後取。不苟得也。茂

也。平生猶少時也。朱熹曰。平。生。平日也。純曰。見危授命者。如解揚是也。

子問公叔文子於公明賈曰。信乎。夫子不言不

笑不取乎。孔安國曰。公叔文子。衛大夫。公孫

亦衛人。公明賈對曰。以告者過也。夫子時然後

言。人不厭其言也。樂然後笑。人不厭其笑也。

義然後取。人不厭其取也。子曰。其然。豈其然

乎。厭於豔反。下同。言也。笑也。取也。三也。字皇

本有樂音洛。其然論衡作豈其然乎。○邢

昺曰。過。誤也。馬融曰。美其得道。嫌其不能

悉然也。朱熹曰。厭者。苦其多而惡之之辭。

子曰。臧武仲以防求為後於魯。雖曰不要君。吾

不信也。防音房。要一遙反。○孔安國曰。防。武

三年。武仲為孟氏所譖。出奔邾。自邾如防。使

為以大蔡納。請曰。紇非能害也。知不足也。非

敢私請。苟守先祀。無廢二勳。敢不辟邑。乃立

臧為紇。致防而奔齊。此所謂要君也。朱熹曰。

要。有挾而求也。若不得請。則將據邑以叛。是要君也。

子曰晉文公譎而不正齊桓公正而不譎譎古

朱熹曰晉文公名重耳齊桓公名小白譎也茂御曰此言二公用兵之不同也正譎皆兵法之名

子路曰桓公殺公子糾召忽死之管仲不死曰

未仁乎糾居黜反召音邵○孔安國曰齊襄公立無常鮑叔牙曰君使民慢亂將

作矣奉公子小白出奔莒襄公從弟公孫無知殺襄公管夷吾召忽奉公子糾出奔魯齊人殺無知魯伐齊納子糾小白自莒先入是為桓公乃殺子糾召忽死之朱熹曰管仲請囚鮑叔牙言於桓公以為相子曰桓公九合諸侯不以兵

車管仲之力也如其仁如其仁九春秋傳作糾○陸德明

曰史記云兵車之會三乘車之會六穀梁傳云衣裳之會十有一朱熹曰九春秋傳作糾督也古字通用孔安國曰誰如管仲之仁矣

子貢曰管仲非仁者與桓公殺公子糾不能死

又相之子曰管仲相桓公霸諸侯一匡天下

民到于今受其賜微管仲吾其被髮左衽矣

與音餘相息亮反下同被皮寄反衽而審反又而鴉反○朱熹曰霸與伯同長也馬融曰匡正也天子微弱桓公帥諸侯以尊周室一匡天下也何晏曰受其賜者謂不被髮左衽之惠也馬融曰微無也無管仲則君不君臣不臣皆為夷狄也豈若匹夫匹

婦之為諒也自經於溝瀆而人莫之知也後漢

君子之處喪行大事中人以上不可語故唯稱其功終以遂奔之詩中人以上而後使可以知之亦不意教

才德難生不必貴是
臣非有大故則不可去
故其君進之不取其賤
而巳齊夫子所以益也

書應劭傳而下有人字是也今從之○邢昺
曰諒信也茂卿曰諒謂使人信己也朱熹曰
經縊也

公叔文子之臣大夫僕與文子同升諸公僕士免反

○孔安國曰大夫僕本文子家臣也薦之使
與己並為大夫同升在公朝也邢昺曰諸於

也子聞之曰可以為文矣孔安國曰言行如

易曰以謚法錫民爵位曰文故也

子曰衛靈公之無道也康子曰夫如是奚而不

喪子曰鄭本邢本朱本皆作子言今從皇陸

浪反下同○邢昺曰奚孔子曰仲叔圍治賓

客祝鮀治宗廟王孫賈治軍旅夫如是奚其

喪圍魚呂反鮀徒何反○朱熹曰仲叔圍即

各當其才何為當亡乎

子曰其言之不怍則為之也難怍才洛反皇本

難作難也○馬融曰怍慙也朱熹曰大言不

慙則無必為之志而不自度其能否矣欲踐

陳成子弑簡公朱熹曰成子齊大夫名恒簡公

年孔子沐浴而朝告於哀公曰陳恒弑其君

請討之公曰告夫三子朝直遙反夫音符下

勢難處君子之行
世為天下則君臣不
冒然後可以為治

二三子。下同。○馬融曰。將告君。故先齊。孔子齊必沐浴也。孔安國曰。三子。謂三卿也。

曰。以吾從大夫之後。不敢不告也。君曰。告夫

三子者。馬融曰。我於禮當告君。不當告三子。君使我往。故復往也。之三子

告。不可。孔子曰。以吾從大夫之後。不敢不告

也。陸德明曰。三子。或作二。三子。非也。皇本無也。字。○邢昺曰。之。往也。馬融曰。孔子由君

命。之三子告。不可。故復以此辭語之而止也。

子路問事君。子曰。勿欺也。而犯之。孔安國曰。事君之道。義不

可欺。當能犯顏色。諫爭也。

子曰。君子上達。小人下達。純曰。上達。下達。猶言上交。下交也。達。猶通。

也。言君子雖在下位。而其道上達。王公。小人之道。下達而已。

子曰。古之學者為己。今之學者為人。為。于偽反。下同。○孔

安國曰。為己。履而行之也。為人。徒能言之也。

蘧伯玉使人於孔子。蘧。其居反。使所吏反。下同。○孔安國曰。伯玉。衛大夫

蘧瑗也。孔子與之坐。而問焉。曰。夫子何為對。曰。

夫子欲寡其過。而未能也。朱熹曰。與之坐。敬其主。以及其使也。

使者出。子曰。使乎。使乎。陳羣曰。再言使

乎者。善之也。言使得其人也。

子曰。不在其位。不謀其政。重出。

曾子曰君子思不出其位。孔安國曰不越其職也。朱熹曰此艮卦之

象辭也。曾子蓋嘗稱之。記者因上章之語而類記之也。

子曰君子恥其言之過其行。之字。邢本朱本皆作而。今從皇本。行

下孟反。

子曰君子道者三。我無能焉。仁者不憂。知者不

惑。勇者不懼。知音智。荀悅曰君子樂天知命。故不憂。審物明辨。故不惑。定

心致公。子貢曰夫子自道也。韓愈曰子貢慮故不懼。

言我無能焉。故云自道。以明有能也。

子貢方人。方。鄭本作謗。○孔安國曰。比方人子也。鄭玄曰。謗。謂言人之過惡也。

曰賜也賢乎我夫。我則不暇。上我字。邢本朱本皆作哉。今從

皇本。夫音符。屬上句。暇行訝反。○孔安國曰。不暇。比方人也。

子曰。不患人之不己知。患己無能也。己無。邢本朱本皆作

其不。今從皇本。

子曰。不逆詐。不億不信。抑亦先覺者是賢乎。於億

力反。○朱熹曰。逆。未至而迎之也。億。未見而意之也。詐。謂人欺己。不信。謂人疑己。抑。反語

辭。言雖不逆不億。而於人之情偽。自然先覺。乃為賢也。

微生畝謂孔子曰。丘何為是栖栖者與。無乃為

佞乎。微生。漢書古今人表作尾生。鄭本無為。字。陸本無為是二字。與音餘。○包咸曰。

巧言令色鮮矣仁及左丘明耻之及鄉人皆好之如何及鄉黨諸章皆當參看加以歷代細鑽之人情當代之風俗

微生。姓。畝。名也。茂。御。曰。畝。蓋。孔。子。鄉。先。生。高。年。者。也。邢。昺。曰。栖。栖。猶。皇。皇。也。無。乃。乃。也。

惡也。純曰。固。如。固。哉。高。叟。之。為。詩。也。之。固。陋。也。

子曰。驥不稱其力。稱其德也。驥音冀。○陸德明曰。驥。古。之。善。馬。也。

鄭玄曰。德者。謂良之謂也。邢昺曰。馬尚如是。人亦宜然。

或曰。以德報怨。何如。朱熹曰。或。人。所。稱。今。見。子

曰。何以報德。朱熹曰。言於其所怨。既以德報之矣。則人之有德於我者。又將

何以報之乎。以直報怨。以德報德。純曰。直。謂。不。枉。己。也。

子曰。莫我知也夫。夫音符。○純曰。猶用也。子貢曰。何為其

莫知子也。子曰。不怨天。不尤人。下學而上達。

知我者其天乎。怨於衰反。又於願反。○馬融曰。孔子不用於世。而不怨天

人不知己。亦不尤人也。鄭玄曰。尤。非也。純曰。下學。猶下問也。戰國策云。不愧下學。義亦同

耳。上達。言其所知。上達於先聖王之道也。

公伯寮愬子路於季孫。寮力彫反。史記作僚。音同。愬蘇路反。○馬融曰。

公伯寮。魯人。愬。譖也。邢昺曰。寮字。子周。子服景伯以告曰。

夫子固有惑志於公伯寮也。吾力猶能肆諸

市朝。也。字。皇。本。有。朝。直。遙。反。○孔安國曰。魯大夫。子服何也。告。告。孔子也。鄭玄曰。吾

勢。力。猶。能。辨。子。路。之。無。罪。於。季。孫。使。之。誅。寮。而。肆。之。有。罪。既。刑。陳。其。尸。曰。肆。邢。昺。曰。夫。子。

謂季孫言市朝者應劭曰大夫已上於朝士已下於市純曰舊讀至志字絕句是諸之也

子曰道之將行也與命也道之將廢也與命

也公伯寮其如命何與音餘下同

子曰賢者辟世辟音避下同○朱熹曰天下其

次辟地馬融曰去亂國適治邦也其次辟色孔安國曰色斯舉矣朱熹

曰禮貌衰而去其次辟言朱熹曰有違言而後去也

子曰作者七人矣茂卿曰作者之謂聖七人謂堯舜禹湯文武周公也

子路宿於石門晨門曰奚自子路曰自孔氏曰

是知其不可而為之者與皇本石門下更行石門二字與音餘

○皇侃曰石門者魯城門也何晏曰晨門者闈人也邢昺曰奚何也自從也包咸曰言孔子知世不可為而強為之也朱熹曰石門地名晨門掌晨啓門蓋賢人隱於抱關者也茂

卿曰知其不可而不為者不恭也知其不可而為之孔子之所以為至德也晨門知之因此此稱之故

弟子記之

子擊磬於衛有荷蕢而過孔氏之門者曰有心

哉擊磬乎荷何可反過音戈氏皇本作子○朱熹曰磬樂器純曰石屬邢昺曰

荷擔揭也何晏曰蕢草器也茂卿曰有心者有心於教化也既而曰鄙哉

硜硜乎莫己知也斯已而已矣深則厲淺則

揭硜苦耕反上己音紀下二己音以揭起例反○朱熹曰硜硜石聲亦專確之意毛萇

曰。以衣涉水為厲。謂由帶以生也。揭。褰衣也。包咸曰。言隨世以行已。若遇水必濟。知其不可。則當不為也。朱熹曰。此兩句。邶風匏有苦葉之詩也。譏孔子人不知已而不止。不能適淺深之宜。子曰。果哉。末之難矣。何晏曰。末。無也。朱熹曰。果哉。歎其果於忘世也。言人之出處。若但如此。則亦無所難矣。

子張曰。書云。高宗諒陰。三年不言。何謂也。諒音亮。陰

如字。鄭玄讀音梁。錫。○孔安國曰。高宗。殷之中興王。武丁也。諒。信也。陰。猶默也。朱熹曰。諒陰。天子居喪之名。未詳其義。子曰。何必高宗。古之人皆然。

君薨。百官總己。以聽於冢宰三年。馬融曰。己。已百官也。

孔安國曰。冢宰。天官卿。佐王治者也。三年喪畢。然後王自聽政也。邢昺曰。諸侯死曰薨。朱

熹曰。言君薨。則諸侯亦然。總己。謂總攝己職也。

子曰。上好禮。則民易使也。好。呼報反。易。以鼓反。

子路問君子。子曰。脩己以敬。茂卿曰。不言曰。如

斯而已乎。曰。脩己以安人。孔安國曰。人。謂朋友九族也。朱熹曰。

人者。對己而言。曰。如斯而已乎。曰。脩己以安百姓。脩

己以安百姓。堯舜其猶病諸。朱熹曰。百姓。則盡乎人矣。

原壤夷俟。壤而丈反。○馬融曰。原壤。魯人。孔子故舊也。夷。踞也。俟。待也。踞待孔子。邢

昺曰。原壤聞孔子來。乃申兩足箕踞以待孔子也。子曰。幼而不孫弟。

長而無述焉。老而不死。是為賊。以杖叩其脛。

孫音遜。弟大計反。長竹丈反。叩音口。一作扣。脛戶定反。○朱熹曰。述猶稱也。賊者害人之名。脛足骨也。孔子既責之。而因以所曳之杖微擊其脛。若使勿蹲踞然。茂卿曰。以杖叩其脛。亦以戲行之耳。

闕黨童子將命。

皇本有矣字。○馬融曰。闕黨之童子將命者。傳賓主之語出入也。邢昺曰。闕黨。黨名。童子。未冠者之稱。茂卿曰。禮。問士之子。長曰能典。謁矣。幼曰未能典。謁也。然則將命。或問之曰。益者與。子曰。吾見其居於位也。見其與先生並行也。非求益者也。欲速成者也。

者與音餘。○何晏曰。童子隅坐無位。成人乃有位也。包咸曰。先生成人也。並行不差在後也。違禮欲速成人者也。則非求益者也。

七卷終

論語古訓卷第八

日本 信陽 太宰純 撰

衛靈公第十五

凡四十一章。九百六字。

衛靈公問陳於孔子。孔子對曰。俎豆之事。則嘗

聞之矣。軍旅之事。未之學也。

陳直刃反。陸本作陣。○孔安國

曰。陳。軍陳行列之法也。俎豆。禮器也。鄭玄曰。萬二千五百人為軍。五百人為旅。茂卿曰。凡君有問焉。而答以未知未學者。古禮然也。軍旅。君子之所必學也。孔子豈獨未之學哉。將必待其再三問弗措。而後有明日遂行。茂卿以應之。亦臣對君之禮也。○蓋當是時。衛將有軍旅之事。靈公欲問於孔子而行事耳。故孔子辭而不对。又去之也。

陳絕糧從者病莫能興糧音糧。鄭本作糲。音張。從才用反。○孔安

國曰。孔子去衛如曹。曹不容。又之宋。遭匡人之難。又之陳。會吳伐陳。陳亂。故乏食也。從者。弟子。與。

起也。子路愠見曰。君子亦有窮乎。子曰。君

子固窮。小人窮斯濫矣。愠。紆問反。見賢遍反。濫。力暫反。皇本無有

字。○純曰。愠見者。不豫之色。見於面也。何晏曰。濫。溢也。君子固亦有窮時。但不如小人窮則濫溢為非也。

子曰。賜也。女以予為多學而識之者與。對曰。然。

非與。女音汝。識音志。與音餘。下同。○孔安國曰。然者。謂多學而識之也。非與者。問今

不然邪。楊慎曰。子貢非不知也。蓋辭讓而對。事師之禮也。曰。非也。予一以

貫之。貫古亂反。○與告曾子同意。

子曰。由。知德者鮮矣。鮮。仙善反。○朱熹曰。由。呼子路之名而告之也。王肅

曰。君子固窮。而子路愠見。故謂之少於知德者也。邢昺曰。鮮。少也。茂卿曰。德。謂有德之人也。韓愈曰。此一句是簡編脫漏。當在子路愠見下文一段為得。

子曰。無為而治者。其舜也與。夫何為哉。恭己正

南面而已矣。治直吏反。與音餘。夫音符。○何晏曰。言任官得其人。故無為也。

茂卿曰。正如正牆面。及司儀不正。其主面之正。古言也。

子張問行。子曰。言忠信。行篤敬。雖蠻貊之邦行矣。言不忠信。行不篤敬。雖州

居而道行焉。子張曰。行。謂其所居而道行焉。子張曰。行。謂其所居而道行焉。

里行乎哉

行篤下孟反。下行不同。猶盲白反。朱熹曰。篤厚也。蠻南蠻。猶北狄。

鄭玄曰。二千五百家為州。五家為里。行乎哉。言不可行也。立則見其

參於前也。在輿則見其倚於衡也。夫然後行。

參舊音所金反。朱熹音七南反。皇本參下有然字。輿音餘。倚於綺反。夫音符。○朱熹曰。參

讀如母。往參焉之參。言與我相參也。包咸曰。衡。軛也。言思念忠信。立則常想見參然在目

前。在輿則若倚衡軛也。茂卿曰。上二句。蓋古語也。所謂忠信篤敬者。與人忠信。與人篤敬

也。故本文二其字。皆指人也。子張書諸紳。紳音申。○孔安

子曰直哉史魚。邦有道如矢。邦無道如矢。

朱熹曰。史

官名。魚。衛大夫名。鮪。孔安國曰。君子哉蘧伯

玉。邦有道則仕。邦無道則可卷而懷之。

卷。眷勉反。

○包咸曰。卷而懷。謂不與時政。柔順不忤於人也。

子曰可與言而不與之言。失人。不可與言而與

之言。失言。知者不失人。亦不失言。

知音

子曰志士仁人。無求生以害仁。有殺身以成仁。

孔安國曰。無求生以害仁。死而後成仁。則志士仁人。不愛其身也。

子貢問為仁。子曰。工欲善其事。必先利其器。居

是邦也。事其大夫之賢者。友其士之仁者。

皇章末有也字。○孔安國曰。言工以利器為用。人以賢友為助也。邢昺曰。大夫言賢士言仁。

互文也。

顏淵問為邦。純曰。為猶造也。為邦謂經始也。非徒治國之謂也。子曰。

行夏之時。時字。後漢書輿服志作正。○朱熹曰。夏時謂以斗柄初昏建寅之月。

為歲也。乘殷之輅。輅音路。字亦作路。○馬融曰。殷車曰大輅。邢昺曰。大輅謂

木輅也。服周之冕。包咸曰。冕禮冠也。周之禮文而備也。朱熹曰。周冕有五。祭

服之冠也。樂則韶舞。何晏曰。韶舜樂也。放鄭聲。遠佞人。鄭

聲淫。佞人殆。遠于萬反。佞乃定反。○朱熹曰。鄭聲鄭國之音。殆危也。茂卿曰。佞人謂有口才者也。鄭聲亂樂能令人淫。佞人害政用之則國家殆矣。

子曰。人無遠慮。必有近憂。皇本人下有而字。

放鄭聲以下語意深而尤深

術也

譏刑名之不合

子曰。已矣乎。吾未見好德如好色者也。皇本無乎字。好呼報反。下同。○朱熹曰。已矣乎。歎其終不得而見之也。純曰。吾未以下。已見前篇。

子曰。臧文仲其竊位者與。知柳下惠之賢而不

與立也。者與音餘。○孔安國曰。知賢而不舉。是為竊位。邢昺曰。竊盜也。朱熹曰。柳

下惠。魯大夫展獲字。禽。食邑柳下。謚曰惠。

子曰。躬自厚而薄責於人。則遠怨矣。遠于萬反。○孔安國

曰。責己厚。責人薄。所以遠怨咎也。

子曰。不曰如之何。如之何者。吾未如之何也已

矣。邢昺曰。未無也。茂卿曰。如之何。問辭。重言之者。言每事問。或屢問也。彼不肯來問。我

何往告言每事問海裏問少於不肯來
乎哉。子曰。未。無。出。大。曰。不。肯。來。

子曰。羣居終日。言不及義。好行小惠。難矣哉。呼好

報反。惠字。古論鄭本陸本邢本朱本皆作慧
今從魯論皇本。○純曰。此小人之行。自君子

觀之。實為難事。
言其可厭也。

子曰。君子義以為質。禮以行之。孫以出之。信以

成之。君子哉。孫音遜。○皇侃曰。質。本也。茂。卿
曰。君子。謂卿大夫也。此以朝聘

會盟之
事言之。

子曰。君子病無能焉。不病人之不已知也。邢昺
曰。病。

猶患也。純曰。
能。才能也。

子曰。君子疾沒世而名不稱焉。何晏曰。疾。猶病
也。純曰。禮記云。

此以沒世不忘也。
沒世義同。謂死也。

子曰。君子求諸己。小人求諸人。邢昺曰。求。責也。
純曰。諸。之也。

子曰。君子矜而不爭。羣而不黨。爭。責衡反。○朱
熹曰。莊以持己

曰矜。然無乖戾之心。故不爭。和以
處眾曰羣。然無阿比之意。故不黨。

子曰。君子不以言舉人。不以人廢言。

子貢問曰。有一言而可以終身行之者乎。子曰。

其恕乎。己所不欲。勿施於人。皇本無之字。○
茂卿曰。己所不

欲。勿施於人。此自夫子他日之言。傳者
取以解恕字。而其文後誤入正文也。

子曰吾之於人也誰毀誰譽如有可譽者其有

所試矣

譽音餘下同可字邢本朱本皆作所今從皇本○包咸曰所譽者輒試以

事不虛斯民也三代之所以直道而行也

曰斯民者今此之人也馬融曰三代夏殷周也用民如此無所阿私所以云直道而行也

子曰吾猶及史之闕文也有馬者借人乘之今

亡矣夫

借子夜反皇本今下有則字夫音符○胡寅曰此章義疑不可強解茂卿

曰此蓋古本史之字下也字上有闕文傳者因小書闕文二字而轉寫者誤入正文耳後人不覺解者皆強

子曰巧言亂德小不忍則亂大謀

皇本無則字○純曰亂猶

禍敗也德謂有德之人也朱熹曰小不忍如婦人之仁匹夫之勇皆是

子曰衆惡之必察焉衆好之必察焉

風俗通作衆善焉必察之衆惡焉必察之○王肅曰或衆阿黨比周或其人特立不羣故

好惡不可不察也

子曰人能弘道非道弘人也

也字皇本有○朱熹曰弘廓而大之也王肅曰才大者道隨才才者道隨小故不能弘人也

子曰過而不改是謂過矣

朱熹曰過而能改則復於無過唯不改則其過遂成而將不及改矣

子曰吾嘗終日不食終夜不寢以思無益不如

廣天深遠不可得而量

子學也。

子曰：君子謀道不謀食，耕也，餒在其中矣；學也，

祿在其中矣。君子憂道不憂貧。

餒，奴罪反。○茂，卿曰：謀者，

謂營求之也。鄭玄曰：餒，餓也。純曰：大意謂求之不必得，不求或得之，得失者命也。然則君子何憂？憂道而已。不憂貧也。

子曰：知及之，仁不能守之，雖得之，必失之。

知，音智。下

同。○茂，卿曰：知及之，仁能守之，不莊以涖之，及者，難辭。

則民不敬。

涖，音利。又音類。朱熹曰：涖，臨也。

知及之，仁能守

之，莊以涖之，動之不以禮，未善也。

子曰：君子不可小知，而可大受也。小人不可大

受，而可小知也。

朱熹曰：知，我知之也。受，彼所受也。茂，卿曰：此言用人之法

也。純曰：淮南子云：有大略者，不可責以捷巧。有小智者，不可任以大功。卽此之意。

子曰：民之於仁也，甚於水火。水火吾見蹈而死

者矣，未見蹈仁而死者也。

蹈，徒報反。○馬融曰：水火與仁，皆民

所仰而生者。仁最為甚也。蹈，水或時殺人。蹈仁未嘗殺人也。茂，卿曰：仁，謂仁政也。

子曰：當仁，不讓於師。

孔安國曰：當，行仁之事。不復讓於師。言行仁急也。朱

熹曰：當仁，以仁為己任也。雖師亦無所讓。言當勇往而必為也。

子曰：君子貞而不諒。

茂，卿曰：貞，貞固之貞。諒，謂求信於人也。如書牘中諒

語意如淺而深當與
子華使齊原思為之
宰章參看

論語世說

卷第八

察諒鑒
之諒

子曰事君敬其事而後其食

後其食。蜀石經作後食其祿。○孔安

國曰。先盡力而後食祿也。朱熹曰。後與後獲之後同。食祿也。

子曰有教無類

馬融曰。言人在見教。無有種類。

子曰道不同不相為謀

為于偽反。鹽鐵論作道不同者不相與謀。○茂

卿曰。道。道術也。

子曰辭達而已矣

孔安國曰。凡事莫過於實足也。辭達則足矣。不煩文豔之

辭也。茂卿曰。辭。辭命也。

師冕見及階子曰階也及席子曰席也皆坐子

告之曰某在斯某在斯

見賢通反。告。皇本作謂。○孔安國曰。師。樂

人盲者也。名冕也。邢昺曰。孔子見瞽者必起弟子亦起。冕既登席而坐。孔子及弟子亦皆

坐。孔安國曰。歷告以坐。中人。姓字及所在處也。師冕出。子張問曰與

師言之道與子曰然固相師之道也

道與音餘。相息

亮反。○馬融曰。相。導也。鄭玄曰。相。扶也。朱熹曰。古者瞽必有相。其道如此。茂卿曰。道。謂禮

也。

無季氏第十六

凡十四章。八

季氏將伐顓臾

顓音專。臾音瑜。○孔安國曰。顓。伏義之後。風姓之國。本魯之

附庸。當時臣屬魯。季氏貪其土地。欲滅而取之。冉有季路見於孔子

論語世說

卷第八

季氏

曰季氏將有事於顓臾見賢通反○孔安國曰冉有與季路為季

氏臣來告孔子也純曰事戎事也孔子曰求

無乃爾是過與與音餘下過與同○孔安國曰冉求為季氏宰相其室而

為之聚斂故孔子獨疑求教之夫顓臾昔者

先王以為東蒙主且在邦域之中矣是社稷

之臣也何以伐為夫音符下今夫疾夫夫如是並同邦或作封何以伐

為皇本作何以為伐也○孔安國曰以為東蒙主者使主祭蒙山也魯七百里之封顓臾

為附庸在其域中已屬魯為社稷之臣何用滅之為邢昺曰蒙山在東故曰東蒙冉

有曰夫子欲之吾二臣者皆不欲也邢昺曰夫子謂

季氏也孔安國曰歸咎於季氏孔子曰求周任有言曰陳力

就列不能者止危而不持顛而不扶則將焉

用彼相矣任音壬馬於虔反相息亮反下相也言當陳其才力度己所任以就其位不能

則當止也包咸曰言輔相人者當能持危扶顛若不能何用相為也朱熹曰且爾言過矣

陳布也列位也相瞽者之相也虎兕出於柙龜玉毀於櫝中是誰之過與兕

兕野牛馬融曰柙檻也櫝置也失毀豈非典

守者之冉有曰今夫顓臾固而近於費今不

取後世必為子孫憂費音祕陸本無後世二字○馬融曰固謂城郭

完堅也。費季氏之邑也。孔子曰：求，君子疾夫舍曰欲之

而必更為之辭。舍音捨。更字皇本有。○孔安國曰：疾者，疾如女之言也。舍

其貪利之說。而更作他辭。是所疾也。丘也聞有國有家者，不患

寡而患不均，不患貧而患不安。蓋均無貧，和

無寡，安無傾。孔安國曰：國，諸侯也。家，卿大夫也。不患土地人民之寡少，患政

治之不均平也。憂不能安民耳。民安則國富，包咸曰：政教均平，則不貧矣。上下和同，不患

寡矣。小大安寧，不傾危矣。夫如是，故遠人不服，則脩文德

以來之。既來之，則安之。朱熹曰：內治脩，然後遠人服。有不服，則脩

德以來之。亦不當勤兵於遠。今由與求也，相夫子，遠人不

蓋均以下无尽經濟之情

服而不能來也。邦分崩離析而不能守也。析

歷反。○孔安國曰：民有異心曰分。欲去曰崩。不可會聚曰離。析曰而謀動干戈

於邦內，吾恐季孫之憂不在顓臾而在蕭牆

之內也。○鄭本作封。石經兩在下皆有於字。○孔安國曰：干，楯也。戟也。鄭玄曰：

蕭之言肅也。蕭牆，謂屏也。君臣相見之禮，至屏而加肅敬焉。是以謂之蕭牆。後季氏家臣

陽虎果囚季桓子。

孔子曰：天下有道，則禮樂征伐自天子出。天下

無道，則禮樂征伐自諸侯出。自諸侯出，蓋十

世希不失矣。自大夫出，五世希不失矣。陪臣

執國命。三世希不失矣。

陪蒲回反。○孔安國曰。希。少也。馬融曰。陪。重也。謂家臣也。純曰。十世五世三世。言其失之遲速。大約世數如此也。

道則政不在大夫。

孔安國曰。制之由君也。朱熹曰。言不得專政。純曰。政。謂諸侯國政也。

天下有道。則庶人不議。

孔子曰。祿之去公室五世矣。

鄭玄曰。言此之時。魯定公之初也。魯

自東門襄仲殺文公之子赤而立宣公。於是政在大夫。爵祿不從君出。至定公為五世矣。

政逮於大夫四世矣。

逮音代。又大計反。○邢昺曰。逮。及也。鄭玄曰。文

子武子悼子平子也。朱熹曰。自季武子始專國政。歷悼平桓子。凡四世。而為家臣陽虎所執。故夫三桓之子孫微矣。夫音符。○孔安國曰。二桓。謂仲孫叔

孫季孫也。三卿皆出桓公。故曰三桓也。仲孫氏改其氏稱孟氏。至哀公皆衰也。

孔子曰。益者三友。損者三友。友直。友諒。友多聞。

益矣。友便辟。友善柔。友便佞。損矣。

便婢。縣反。下同。辟。婢

亦反。○純曰。諒。見信於人也。馬融曰。便辟。便巧。辟。人之所忌。以求容媚者也。善柔。面柔也。鄭玄曰。便。辯也。佞。而辯也。

孔子曰。益者三樂。損者三樂。樂節禮樂。樂道。

人之善。樂多賢友。益矣。樂驕樂。樂佚遊。樂宴樂。

損矣。

三樂。舊音五。教反。茂。卿讀樂皆音洛。唯禮樂之樂音岳。○純曰。節。謂得其度也。

道。言也。孔安國曰。驕。樂恃尊貴以自恣也。王肅曰。佚。遊。出入不知節也。孔安國曰。宴樂。沈

荒淫
瀆也。

孔子曰。侍於君子有三愆。言未及之而言。謂之

躁。言及之而不言。謂之隱。未見顏色而言。謂

之瞽。

愆。起。度。反。躁。早。報。反。魯。論。作。傲。瞽。音。古。也。孔。安。國。曰。愆。過。也。鄭。玄。曰。躁。不。安。靜。

未。見。君。子。顏。色。所。趣。向。而。便。逆。先。意。語。者。猶

瞽。者。也。朱。熹。曰。瞽。無。目。茂。卿。曰。此。以。弟。子。事。師。之。禮。言。也。

孔子曰。君子有三戒。少之時。血氣未定。戒之在

色。及其壯也。血氣方剛。戒之在鬪。及其老也。

血氣既衰。戒之在得。少。詩。照。反。鬪。丁。豆。反。純。曰。血。氣。者。血。中。之。氣。

也。孔。安。國。曰。得。貪。得。也。

孔子曰。君子有三畏。畏天命。畏大人。畏聖人之

言。純。曰。畏。畏。敬。也。天。命。靡。常。大。人。謂。人。主。也。人。主。如。龍。有。逆。鱗。也。聖。人。之。言。信。而。有。徵。

是以。君。子。皆。畏。之。小人不知天命而不畏也。狎大人。

侮聖人之言。狎。戶。甲。反。侮。亡。甫。反。狎。謂。慣。忽。侮。謂。輕。慢。

孔子曰。生而知之者。上也。學而知之者。次也。困

而學之。又其次也。困而不學。民斯為下矣。孔。安。國。曰。困。謂。有。所。不。通。也。純。曰。困。乏。困。也。有。所。乏。困。而。後。學。如。晉。范。獻。子。魯。孟。僖。子。皆。是。也。

孔子曰。君子有九思。視思明。聽思聰。色思溫。貌

尊下章食為一也。見其人寄以自道也。前言已德如此。聞古亦如此者。之語下則信歎已徒聞古人如彼者之語。而不自與此同。言終及齊侯夷齊之事。竊欲以夷齊自也。乘于梓之意。

思恭言思忠事思敬疑思問忿思難見得思義。忿乃且反。

孔子曰見善如不及見不善如探湯吾見其人

矣吾聞其語矣。探吐南反。○孔安國曰探湯喻去惡疾也。隱居以

求其志行義以達其道吾聞其語矣未見其

人也。茂御曰志記也。求其志者謂求先王之

堯舜之道焉是也。行義謂仕也。子路曰君子之仕也。行其義也。達其道者行其道於天下也。

齊景公有馬千駟死之日民無德而稱焉伯夷

叔齊餓于首陽之下民至于今稱之。皇本德作得無

而字。○孔安國曰千駟四千匹。馬融曰首陽山在河東蒲坂縣華山之北。河曲之中。其

斯之謂與。與音餘。○胡寅曰程子以為第十

在此章之首。今詳文勢似當在此句之上。言人之所稱不在於富而在於異也。朱熹曰此

說近是。而章首當有孔子曰字。蓋闕文耳。

陳亢問於伯魚曰子亦有異聞乎對曰未也。亢音

剛。又苦浪反。○馬融曰以為伯魚孔子之子。所聞當有異也。茂卿曰未也者謙辭對長者

之禮也。非其實也。嘗獨立鯉趨而過庭曰學詩乎對

曰未也曰不學詩無以言也鯉退而學詩。鯉音

變仇名从亢聲論

詩言... 十三

也。他日又獨立。鯉趨而過庭。曰：學禮乎？對曰：

未也。曰：不學禮，無以立也。鯉退而學禮。下曰：

也。字。皇本有。不學。聞斯二者。朱熹曰：當獨立

如此。其無。陳亢退而喜曰：問一得三。聞詩聞

禮。又聞君子之遠其子也。遠于萬友。○茂卿

之學詩禮。邾邾。必問焉。而後知之。故陳亢

以為遠其子也。純曰：觀此。亦見孔門諸子之

也。嗜學也。邦君之妻。君稱之曰夫人。夫人自稱曰小童。邦

人稱之曰君夫人。稱諸異邦曰寡小君。異邦

人稱之亦曰君夫人。孔安國曰：小君。君夫人

寡小君。當此之時。諸侯嫡妾不正。稱號不審。

故孔子正言其禮也。吳越曰：凡語中所載。如

此類者。不知何謂。或古有之。或夫子嘗言之。

不可考也。茂卿曰：論語者。門弟子各雜記其

所聞。非必孔子之言也。純曰：若依孔安

論語古訓卷第八 終

論語古訓 卷第八 終

論語古訓卷第八
 陽貨第十七
 陽貨欲見孔子。孔子不見。歸孔子豚。孔子時其
 亡也而往拜之。遇諸塗。歸如字。鄭本作饋。趙
 岐孟子注同。豚徒門
 反。塗音徒。字亦作途。○孟子曰。陽貨欲見孔
 子而惡無禮。大夫有賜於士。不得受於其家。
 則往拜其門。陽貨矚孔子之亡也。而饋孔子
 蒸豚。孔子亦矚其亡也。而往拜之。當是時。陽
 貨先豈得不見。王充曰。反遇於路。孔安國曰。
 陽貨。陽虎也。季氏家臣。而專魯國之政。欲見
 孔子。使道也。歸孔子豚。欲使往謝。故遺孔子
 豚也。塗。道也。於道路與相逢也。說文曰。豚。小

論語古訓卷第九

日本 信陽 太宰純 撰

陽貨第十七

凡二十六章
千二十十字

陽貨欲見孔子。孔子不見。歸孔子豚。孔子時其

亡也而往拜之。遇諸塗。

歸如字。鄭本作饋。趙岐孟子注同。豚徒門

反。塗音徒。字亦作途。○孟子曰。陽貨欲見孔

子而惡無禮。大夫有賜於士。不得受於其家。

則往拜其門。陽貨矚孔子之亡也。而饋孔子

蒸豚。孔子亦矚其亡也。而往拜之。當是時。陽

貨先豈得不見。王充曰。反遇於路。孔安國曰。

陽貨。陽虎也。季氏家臣。而專魯國之政。欲見

孔子。使道也。歸孔子豚。欲使往謝。故遺孔子

豚也。塗。道也。於道路與相逢也。說文曰。豚。小

豕也。邢昺曰。蓋名虎字貨。謂孔子曰。來。予與

純曰。亡不在也。諸之也。爾言曰。懷其寶而迷其邦。可謂仁乎。曰。不可。

馬融曰。言孔子不仕。是懷寶也。好從事而亟

知國不治。而不為政。是迷邦也。失時。可謂知乎。曰。不可。

復問。而孔子答也。孔安國曰。言孔子栖栖好

從事。而數不遇失時。不得為有知也。邢昺曰。亟。數

也。日。月。逝矣。歲不我與。孔子曰。諾。吾將仕矣。

馬融曰。年老歲月已往。當急仕也。純曰。貨之。孔子曰。諾。吾將仕矣。

子曰。性相近也。習相遠也。

孔安國曰。君子慎所習也。茂卿曰。言人不慎。其所以無教也。純曰。天下之人。其性不甚相遠。其所以相遠者。習慣使然也。已。故習不可不也。

子曰。唯上知與下愚不移。

知音智。○孔安國曰。上知不可使強為惡。下愚不可使強為賢也。朱熹曰。此承上章而言。或曰。此與上章當合為一。子曰。二字。蓋衍文耳。

子之武城。聞絃歌之聲。

絃。邢本作弦。同。○邢昺曰。游為武城宰。朱熹曰。絃。琴瑟也。時子游為武城宰。以禮樂為教。故邑人皆絃歌也。夫

子莞爾而笑。曰。割雞焉用牛刀。

莞。華版反。陸。度。取。○何晏曰。莞爾。小笑貌也。孔安國曰。言治小何須用大道也。繆播曰。惜其不得導千

聖人學世之情。若此

乘之國。如牛刀割雞。不盡其才。子游對曰。昔也。蓋夫子之微言也。子游對曰。昔

者偃也。聞諸夫子曰。君子學道則愛人。小人

學道則易使也。易以鼓反。○純曰。諸之也。孔安國曰。道謂禮樂也。樂以和

人。人和則易使也。子曰。二三子。偃之言是也。前言戲

之耳。孔安國曰。二三子。從行者也。朱熹曰。嘉子游之篤信。又以解門人之惑也。

公山弗擾以費畔。召子欲往。弗。皇本作不。擾而

記皆作不。狃。費音祕。○孔安國曰。弗擾為季氏宰。與陽虎共執季桓子。而召孔子也。邢昺

曰。弗擾。即左傳公山不狃也。字子洩。子路不說曰。未之也已。何

必公山氏之之也。說音悅。○邢昺曰。未。無也。已。止也。孔安國曰。之。適也。

無可之則止耳。何必。子曰。夫召我者而豈徒

哉。如有用我者。吾其為東周乎。夫音符。○邢昺曰。徒。空也。

孔安國曰。興周道於東方。故曰東周也。

子張問仁於孔子。孔子曰。能行五者於天下。為

仁矣。請問之。曰。恭。寬。信。敏。惠。恭則不侮。寬則

得眾。信則人任焉。敏則有功。惠則足以使人。

孔子曰。皇本作孔子對曰。○茂卿曰。子張亦問行仁政也。為猶行也。為仁。與克己復禮為

仁同義。孔安國曰。不侮。不見侮慢也。純曰。信則人任焉。言己信人。則人任己事也。敏則無

不致事之失。故在功也。

佛肸

欲往

佛音弼。皇本作佛。漢書古今人表作弗。肸許密反。○孔安國曰。佛肸晉大夫趙簡子之邑宰也。

子路曰昔者由也聞諸夫子

曰親於其身為不善者君子不入也佛肸以

中牟畔子之往也如之何

論衡子路下有不說二字○純曰諸

之也。朱熹曰。親猶自也。孔安國曰。不入者。不入其國也。

子曰然有是言

也不曰堅乎磨而不磷不曰白乎涅而不緇

磨未多反。磷力刃反。涅乃結反。緇側其反。○孔安國曰。磷薄也。涅可以染皁者。言至堅者。磨之而不薄。至白者。染之於涅而不黑。喻君子雖在濁亂。濁亂不能污也。邢昺曰。涅水中黑色也。緇。黑色也。

吾豈匏瓜也哉焉能繫而不食

匏瓜。瓜古華反。焉於虔反。論衡食下有也字。○皇侃曰。匏瓜。星名也。言人有才。宜佐時理務。為人所用。豈得如匏瓜繫天而不可食邪。

子曰由也女聞六言六蔽矣乎對曰未也

女音汝。下

同。蔽必袂反。○邢昺曰。蔽謂蔽塞不自見其過也。朱熹曰。蔽。遮掩也。茂。御曰。六言六蔽。蓋亦古有。居吾語女。語魚據反。○孔安國曰。子

斯語也。居猶坐也。邢昺曰。子路起對。故使還坐也。邢昺曰。子

坐也。猶。好仁不好學其蔽也愚。好知不好學

其蔽也蕩。好信不好學其蔽也賊。好直不好

學其蔽也絞。好勇不好學其蔽也亂。好剛不

好學其蔽也狂。好呼報反。下同。知音智。絞古卯反。○孔安國曰。仁者愛物。

不復復大自折。自暴自棄。盡人情而救其愆也。深學皆謂學禮。中正時中養母。

鄭易生詩人君讀之孰不少減征伐

不知所以裁之則愚也。蕩無所適守也。賊者。父子不知相為隱之輩也。狂妄抵觸人也。朱熹曰。愚若可陷可罔之類。蕩謂窮高極廣而無所止。純曰。六言所好者。人之所謂德也。學詩書禮樂也。詩書義之府也。禮樂德之則也。學詩書禮樂所以脩德也。德之不脩不免於六者之蔽。故君子不可不學也。

子曰。小子何莫學夫詩。夫音符。○包咸曰。小子。門人也。邢昺曰。莫不也。

詩可以興。可以觀。可以羣。可以怨。興許應反。○純曰。興。因物與感也。觀。觀察人情也。無忤於物。故可羣也。中情不惡。故可怨也。

父遠之事君。通音爾。○孔安國曰。邇。近也。多識。於鳥獸草木之名。朱熹曰。其緒餘又足以資多識。

子謂伯魚曰。女為周南召南矣乎。人而不為周南召南。其猶正牆面而立也與。女音汝。召實音餘。○邢昺曰。為。猶學也。馬融曰。周南召南。國風之始。邢昺曰。牆面。面向牆也。純曰。為二南。則雖未盡為三百篇。尚可以為君子也。不為二南。則不為詩矣。是野人也。此孔子所以戒伯魚也。

子曰。禮云禮云。玉帛云乎哉。樂云樂云。鐘鼓云乎哉。鄭玄曰。玉。圭璋之屬。帛。束帛之屬。言禮非但崇此玉帛而已。所貴者。乃貴其安上治民也。馬融曰。樂之所貴者。移風易俗也。非謂鐘鼓而已也。

子曰。龜厲而內荏。譬諸小人。其猶穿窬之盜也。

和其本心俗人猶知龜物妙有無三際也鄭馬皆非

論語古川 卷第九 五

與在而審反。窬音瑜。陸本作踰。與音餘。○孔安國曰。在柔也。謂外自矜厲而內柔佞也。為人如此。猶小人之有盜心。穿穿壁。窬窬牆也。純曰。諸之也。

子曰鄉原德之賊也朱熹曰。鄉者。鄙俗之意。原與愿同。荀子原慝。注讀作愿。是也。鄉愿。鄉人之愿者也。蓋其同流合汙。以媚於世。故在鄉人之中。獨以愿稱。夫子以其似德非德。而反亂乎德。故以為德之賊而深惡之。詳見孟子末篇。茂卿曰。德謂有德之人也。

子曰道聽而塗說德之棄也皇本闕也字。○邢昺曰。塗。亦道也。純

曰。道塗。互文。言人之於道。藝也。說之聽之。各有其禮。必待聽者備其禮。而後說者乃開口。道塗非其所也。如人在道塗聽之。而已在道塗說之。是自棄其德也。德者得也。己之所得

也。

子曰鄙夫可與事君也與哉與哉音餘。陸德明曰。一本無哉字。李

善文選注。作鄙夫不可與事君。○朱熹曰。鄙夫。庸惡陋劣之稱。孔安國曰。言不可與事君也。其未得之也。患得之既得之。患失之。患得

夫論作患不得之。○何晏曰。患得之者。患不能得之也。楚俗言也。苟患失之。

無所不至矣。邢昺曰。苟。誠也。鄭玄曰。無所不至者。言其邪媚無所不為也。

子曰古者民有三疾今也或是之亡也亡音無。○邢昺

曰。亡。無也。茂卿曰。或。猶有也。或是之亡者。無有是也。古之狂也肆。今之

狂也蕩。古之矜也廉。今之矜也忿戾。古之愚

無所不至一句殊妙不可忽觀

言言言言
卷第九
六

也直。今之愚也詐而已矣。廉魯論作賤。戾力計反。○朱熹曰：肆

謂不拘小節，蕩則踰大閑矣。純曰：矜當為狷，聲之誤也。馬融曰：廉，有廉隅也。

子曰：巧言令色，鮮矣仁。皇本無此章。○重出

子曰：惡紫之奪朱也，惡鄭聲之亂雅樂也，惡利

口之覆邦家者。惡烏路反。下同。皇本樂下闕也。字覆芳服反者。皇本作也。

○孔安國曰：朱，正色。紫，間色之好者。惡其邪好而奪正色也。包咸曰：鄭聲，淫聲之哀者。朱熹曰：雅，正也。孔安國曰：利口之人，多言少實。苟能說媚時君，傾覆其國家也。

子曰：予欲無言也。何晏曰：言之為益少，故欲無言也。純曰：聖人自有不言之教也。

子曰：子欲無言也。子曰：天何

子貢曰：子如不言，則小子何述焉。子曰：天何

言哉！四時行焉，百物生焉，天何言哉。上天字。魯論作夫。

孺悲欲見孔子，孔子辭以疾，將命者出戶，取瑟

而歌，使之聞之。孺而樹反。字亦作孺。皇本辭下有之字。○何晏曰：孺悲，魯

人也。孔子不欲見，故辭以疾。為其將命者不知已，故歌令將命者悟，所以令孺悲思也。邢

昺曰：將，奉也。朱熹曰：孺悲嘗學士喪禮於孔子，當是時，必有以得罪者，故辭以疾。

宰我問：三年之喪，期已久矣。君子三年不為禮，

禮必壞，三年不為樂，樂必崩。舊穀既沒，新穀

既升，鑽燧改火，期可已矣。期音基。下同。陸德明曰：一本作其鑽。

論語五則
卷第九

祖官反。燧音遂。○朱熹曰。期。周年也。沒。盡也。升。登也。邢昺曰。鑽。木出火。謂之燧。馬融曰。周書。月令。有。更火之文。春。取榆柳之火。夏。取棗杏之火。季夏。取桑柘之火。秋。取柞楮之火。冬。取槐檀之火。一年之中。鑽火各異木。故曰。改火也。朱熹曰。已。止也。言。期年則大運一周。時物皆變。喪。至。子曰。食夫稻。衣夫錦。於女安乎。此可止也。

曰安。食舊音嗣。朱熹讀如字。今從之。夫音符。下同。衣於既反。皇本錦下有也字。女音

汝。下同。○純曰。稻。禮之食也。錦。禮之衣也。二夫字。指行禮者。言不行三年之喪而行禮也。

曰。女安則為之。夫君子之居喪。食旨不甘。聞樂不樂。居處不安。故不為也。今女安則為之。

曰。字。皇本有。不樂音洛。處昌呂反。○孔安國曰。旨。美也。純曰。為之者。為禮樂也。此言君子

居喪。哀戚之至。不暇憂禮樂。以誌之。所以解其惑也。宰我出。子曰。予之

不仁也。子生三年。然後免於父母之懷。夫三

年之喪。天下之通喪也。予也有三年之愛於

其父母乎。馬融曰。子生未三歲。為父母所懷抱也。邢昺曰。通。達也。孔安國曰。自

天子達於庶人也。言子之於父母。欲報之德。昊天罔極。而予也有三年之愛乎。

子曰。飽食終日。無所用心。難矣哉。不有博奕者

乎。為之猶賢乎已。弈音亦。○馬融曰。為。其無

已。博。說文。作。籀。局。戲也。圍。碁。謂之。弈。賢。勝也。已。止也。純曰。人心善動之物。故。人。不。可。以。須

與。無。為。也。況。飽。食。終。日。無。所。用。心。豈。不。難。哉。博。奕。固。非。君。子。之。事。而。眾。人。為。之。可。以。消。日。

是猶勝乎無所用心亦可以免於閒居為不善之患故曰為之猶賢乎已

子路曰君子尚勇乎子曰君子義以為上君子

有勇而無義為亂小人有勇而無義為盜朱熹

曰尚上之也胡寅曰疑此子路初見孔子時問答也

子貢曰君子亦有惡乎子曰有惡惡稱人之惡

者惡居下流而訕上者惡勇而無禮者惡果

敢而窒者石經無亦字惡烏路反下除惡者

無惡字下流無流字訕所諫反窒珍栗反魯論作室○茂卿曰稱揚也下流謂數澤也孔

安國曰訕謗毀也○曰賜也亦有惡乎惡徼以

為知者惡不孫以為勇者惡訐以為直者徼

堯反鄭本作絞知音智孫音遜訐居謁反○朱熹曰惡徼以下子貢之言也孔安國曰徼

抄也抄人之意以為己有也朱熹曰徼伺察也包咸曰訐謂攻發人之陰私也

子曰唯女子與小人為難養也近之則不孫遠

之則怨近巨靳反孫音遜遠于萬反皇本怨

以為難養也

子曰年四十而見惡焉其終也已惡烏路反年

焉石經作年卅見惡○蘇軾曰此亦有為而言不知其為誰也

微子第十八凡二十一章六

凡人情尤深

微子去之箕子為之奴比干諫而死

馬融曰微子箕子二國名

子爵也微子紂之庶兄箕子比干紂之諸父也微子見紂無道早去之箕子伴狂為奴比干以諫見殺也邢昺曰微子名啓司馬彪云箕子名胥餘純曰三人行詳見史記

子曰殷有三仁焉

孔安國曰仁者愛人三人在憂亂寧民也

柳下惠為士師三黜人曰子未可以去乎曰直

道而事人焉往而不三黜枉道而事人何必

去父母之邦

三息暫反又如字下同黜勅律反焉於虔反邦石經作國○孔安國曰士師典獄之官也朱熹曰黜退也邢昺曰焉何也胡寅曰此必有孔子斷之之言

而亡之矣

齊景公待孔子曰若季氏則吾不能以季孟之

閒待之曰吾老矣不能用也孔子行

邢昺曰謂以祿位接遇孔子也孔安國曰魯三卿季氏為上卿最貴孟氏為下卿不用事言待之以二者之間也朱熹曰此言必非面語孔子蓋自以告其臣而孔子聞之爾純曰此記景公前後兩次之言非一時而有二言也

齊人歸女樂季桓子受之三日不朝孔子行

歸如字鄭本作饋朝直遙反○孔安國曰桓子季孫斯也使定公受齊之女樂君臣相與觀之廢朝禮三日也朱熹曰按史記定公十四年孔子為魯司寇攝行相事齊人懼歸女樂以

之沮

楚狂接輿歌而過孔子曰鳳兮鳳兮何德之衰

往者不可諫來者猶可追已而已而今之從

政者殆而輿音餘過音戈皇本孔子下有之門二字衰下諫下追下皆有也字

石經同何下有而字已而已而今之從政者殆而魯論作其斯已矣令之從政者殆○孔

安國曰接輿楚人也佯狂而來歌欲以感切孔子也此孔子於鳳鳥也鳳鳥待聖君乃見

非孔子周行求合故曰衰也已往所行不可復諫止也自今已來可追自止辟亂隱居也

朱熹曰夫子時將適楚故接輿歌而過其車前也已止也邢昺曰而皆語辭也殆危也

孔子下欲與之言趨而辟之不得與之言也

辟音避也字皇本有○包咸曰下下車也邢昺曰趨謂疾行也純曰孔子聞接輿之歌而

知其非常人故下車欲與之言接輿則懼人之覺其佯狂故趨而辟之也

長沮桀溺耦而耕孔子過之使子路問津焉沮

餘反溺乃歷反耦吾口反過音戈○鄭玄曰長沮桀溺隱者也耜廣五寸二耜為耦津濟

渡處也朱熹曰耦並耕也長沮曰夫執輿者為誰乎子路

曰為孔丘曰是魯孔丘與對曰是也曰是知

津矣夫音符乎字皇本有石經作子與音餘對字皇本有對曰是也曰是知津矣石

經作曰是是知津矣○邢昺曰執輿謂執轡在車也時子路為御既使問津孔子代之而

執轡馬融曰知津言問於桀溺桀溺曰子為數周流自知津處也

誰。子路曰。為仲由曰。是魯孔丘之徒與。對曰。然曰。滔滔者。天下皆是也。而誰以易之。

朱本無子

路二字。陸德明云。一本是上有子字。孔丘。陸本作孔子。與音餘。滔吐刀反。滔滔。鄭本作悠。悠。史記同。漢書敘傳作悒悒。○邢昺曰。然。猶是也。孔安國曰。滔滔。周流之貌。朱熹曰。滔滔。流而不反之意。言天下皆亂。將誰與變。且而易之。純曰。易。如夷子思以易天下之易。

與其從辟人之士也。豈若從辟世之士哉。耨

而不輟。

辟音避。下同。耨音憂。耨而不輟。石經無而字。輟。張劣反。○朱熹曰。而。汝也。

邢昺曰。與。猶等也。何晏曰。士有辟人之法。有辟世之法。長沮桀溺謂孔子為士。從辟人之法也。已之為士。則從辟世之法也。鄭玄曰。耨。覆種也。輟。止也。覆種不止。不以津處告也。純。

曰。耨而不輟者。記者之辭。子路行。以告。夫子憮然曰。鳥獸

不可與同羣。吾非斯人之徒與。而誰與。天下

有道。丘不與易也。

行字。夫字。石經無。憮音呼。又音武。皇本羣下有也字。

○邢昺曰。憮。失意貌。朱熹曰。憮然。猶悵然也。何晏曰。為其不達己意。而非己也。孔安國曰。隱居於山林。是與鳥獸同羣也。吾自當與此。天下人同羣。安能去人。從鳥獸居乎。邢昺曰。與。謂相親與也。朱熹曰。天下若已平治。則我無用變易之。正為天下無道。故欲以道易之耳。

子路從而後。遇丈人以杖荷蓀。

從才用反。荷何反。蓀。徒弔反。

一作條。一作菝。○包咸曰。子路問曰。子見夫

子乎。丈人曰：四體不勤，五穀不分，孰為夫子。

植其杖而芸。植音值。又市力反。石經作置。芸音云。石經作耘。○邢昺曰：夫子。

孔子也。包咸曰：丈人云：不勤勞四體，不分植五穀，誰為夫子而索之邪。朱熹曰：分，辨也。五

穀不分，猶言不辨菽麥爾。孔安國曰：植，倚也。除草曰芸。朱熹曰：植，立之也。純曰：植其杖而

芸者，記。子路拱而立。拱，居勇反。○何晏曰：未者之辭。子路宿殺雞為黍而食之，見其二

其隱者。敬之也。止子路宿殺雞為黍而食之，見其二

子焉。食音嗣。見賢遍反。明日子路行以告。子曰：隱者

也。使子路反見之，至則行矣。孔安國曰：子路反至其家，丈人

出行不在也。子路曰：不仕無義。長幼之節，不可廢

也。君臣之義，如之何其廢之。欲潔其身而亂

大倫，君子之仕也，行其義也。道之不行也，已

知之矣。朱熹曰：福州有國初時寫本，路下有反子二字。長竹丈反。君臣之義，石經

作君臣之禮，廢之。皇本作可廢也。石經作其廢之也。行也之也。皇本有己音紀，又音以。○

鄭玄曰：留言以語丈人之二子也。邢昺曰：不仕，是無君臣之義也。朱熹曰：蓋丈人之接子

路甚倨，而子路益恭。丈人因見其二子焉，則於長幼之節固知其不可廢矣。故因其所明

以曉之。包咸曰：倫，道理也。言君子之仕，所以行君臣之義也。不必自己道得行也。孔子道

不見用，自己知之也。朱熹曰：倫，序也。

逸民：伯夷、叔齊、虞仲、夷逸、朱張、柳下惠、少連。鄭

本作侏。音陟。雷反。少詩照反。下同。○朱熹曰：逸遺。逸民者，無位之稱。虞仲，即仲雍。與泰伯同。竄荆蠻者，夷逸。朱熹曰：張子曰：不降其志，不辱

其身。伯夷、叔齊與。與音餘。○鄭玄曰：言其直己之心，不入庸君之朝。

謂柳下惠少連降志辱身矣。言中倫，行中慮

其斯而已矣。中陟仲反。下同。行下孟反。其斯

安國曰：但能言應倫理，行應思慮，如此而已。朱熹曰：少連事不可考。然記稱其善居喪，三

日不怠，三月不解，暮悲哀，三年憂，則行之中慮，亦可見矣。謂虞仲夷逸，隱

居放言，身中清，廢中權。廢方肺反。鄭本作發。復言世務也。馬融曰：清，純潔也。遭世亂，自廢

棄，以免患，合於權也。邢昺曰：不論朱、張之行

者，王弼云：朱、張字子弓、荀卿，以比孔子。言其行與孔子同，故不論也。我則異於

是無可無不可。馬融曰：亦不必進，亦不必退，唯義所在也。

大師摯適齊。大音泰。摯音至。○朱熹曰：大亞飯

于適楚，三飯繚適蔡，四飯缺適秦。飯於嫁反。亞飯

下同。繚音了。缺窺悅反。○朱熹曰：亞飯以下，以樂侑食之官。于繚，缺皆名也。茂卿曰：亞飯

三飯，四飯，奏樂以侑尸食之。鼓方叔入于河

官也。無初飯者，不須侑也。播鼗武入于漢。播彼

包咸曰：鼓擊鼓者，方叔。播鼗，武入于漢。播彼

鼗，徒刀反。字亦作鞀。皇本作鞀。○孔安國曰：播，猶搖也。武，名也。邢昺曰：鼗如鼓而小，有兩

耳，持其柄，搖之，旁耳還。少師陽擊磬襄入于

海少詩照反。朱熹曰：少師，樂官之佐。陽，襄。二人名，襄即孔子所從學琴者。海，海島也。

孔安國曰：魯哀公時，禮壞樂崩，樂人皆去。

周公謂魯公曰：君子不施其親，不使大臣怨乎

不以故舊無大故，則不棄也。無求備於一人

施，陸本作弛。詩紙反。石經福本同。○孔安國曰：魯公，周公之子伯禽，封於魯也。朱熹曰：弛，遺棄也。孔安國曰：以，用也。怨，不見聽用也。大故，謂惡逆之事也。邢昺曰：求，責也。

周有八士：伯達、伯适、仲突、仲忽、叔夜、叔夏、季隨

季駟。适，古活反。駟，古花反。○包咸曰：周時四乳生八子，皆為顯仕，故記之。爾，陸德明曰：鄭玄云：成王時，劉向、馬融皆以為宣王時。林希元曰：八士，南宮氏。文王時，皆為虞官。國

語云：文王詢於八虞，汲冢周書克殷解云：乃命南宮忽，振鹿臺之財，巨橋之粟，乃命南宮百達、史佚、遷九鼎、三巫，蓋南宮忽即仲忽，南宮百達即伯達，尚書所謂南宮括即伯适也。

宮百達，即伯達。尚書所謂南宮括，即伯适也。

論語古訓卷第九 終

論語古訓卷第九 終

曰子夏云何對曰子夏曰可者與之其不可者拒之子張曰異乎吾所聞君子尊賢而容衆嘉善而矜不能我之大賢與於人何所不容我之不賢與人將拒我如之何其拒人也

矜居陵反賢與音餘下同拒具呂反皇本陸本石經皆作距音義俱同○包咸曰友交當如子夏汎交當如子張鄭玄曰子夏所云倫黨之交子張所云尊卑之交也茂卿曰善猶能也謂人之有善行者也純曰舉善而教不能孔子亦云

子夏曰雖小道必有可觀者焉致遠恐泥是以君子不為也

泥乃細反○純曰小道謂百家衆枝也包咸曰泥泥難不通也

子夏曰日知其所亡月無忘其所能可謂好學也已矣

亡音無好呼報反○孔安國曰日知其所未聞也邢昺曰亡無也

子夏曰博學而篤志切問而近思仁在其中矣

孔安國曰廣學而厚識之也純曰志記也切問者迫而問之也近思者思不出其位也所學所志所問所思無非仁故曰仁在其中也

子夏曰百工居肆以成其事君子學以致其道

成白虎通作致○邢昺曰肆謂官府造作之處也致至也

子夏曰小人之過也必文

文舊讀如字朱熹讀音問皇本必下衍則字○朱熹曰文飾之也

子夏曰君子有三變望之儼然即之也溫聽其

言也厲

儼魚檢反字或作嚴音同○鄭玄曰厲嚴正也朱熹曰儼然者貌之莊溫

者色之和厲者辭之確

子夏曰君子信而後勞其民未信則以為厲已

也信而後諫未信則以為謗已也

己音紀下同謗布浪

反○純曰信謂見信於人也王肅曰厲猶病也

子夏曰大德不踰閑小德出入可也

朱熹曰大德小德猶

言大節小節閑闌也所以止物之出入也茂德作大者小者蓋古語晏

子誦之子夏亦誦之也

子游曰子夏之門人小子當洒掃應對進退則

可矣抑末也本之則無如之何

洒色買反正作灑掃素報

反今作埽應抑證反末本末之末字或作未非也○包咸曰言子夏弟子但當對賓客脩

威儀禮節之事則可然此但是人之末事耳不可無其本也故云本之則無如之何也邢

昺曰抑語辭也子夏聞之曰噫言游過矣君

本謂先王之道子之道孰先傳焉孰後倦焉譬諸草木區以

別矣君子之道焉可誣也有始有卒者其惟

聖人乎

噫於其反傳直專反倦其卷反區羌于反別彼列反焉可於虔反誣音無

漢書薛宣傳作恤卒子恤反○孔安國曰噫心不平之聲也邢昺曰諸之也朱熹曰倦如

論人倦之倦區猶類也純曰君子之道謂君以區以別言草木種類不一也焉何也誣謂以已成爲未成未成爲已成也始有卒謂如顏淵聞一知十是也

子夏曰仕而優則學學而優則仕優音憂○朱熹曰優有餘

力也仕與學理同而事異故當其事者必先有以盡其事而後可及其餘

子游曰喪致乎哀而止孔安國曰毀不滅性也茂卿曰此說聖人制喪

禮之意也非言居喪之道也

子游曰吾友張也爲難能也然而未仁包咸田言子張

容儀之難及者也純曰未仁者未見仁之功也

曾子曰堂堂乎張也難與竝爲仁矣朱熹曰堂堂盛也江熙曰堂堂德宇廣也仁行之極也難與竝仁蔭人上也茂卿曰曾子言如使己與

子張竝爲仁則己恐不及子張之功也

曾子曰吾聞諸夫子人未有自致者也必也親

喪乎石經無諸字者也作也者○純曰自致謂致其身也言人於他事雖不自致可

矣親喪不可以不自致也

曾子曰吾聞諸夫子孟莊子之孝也其他可能也其不改父之臣與父之政是難能也難能皇本

無能字○馬融曰孟莊子魯大夫仲孫速也朱熹曰其父獻子名蔑獻子有賢德而莊子

能用其臣守其政故其他者行雖有可稱而皆不若此事之為難

孟氏使陽膚為士師問於曾子曾子曰上失其

道民散久矣如得其情則哀矜而勿喜膚方反

則鹽鐵論作即矜論衡作憐○包咸曰陽膚曾子弟子純曰問陽膚問也散離散也

子貢曰紂之不善不如是之甚也是以君子惡

居下流天下之惡皆歸焉皇本善下有也字之甚石經作其甚

惡居烏路反○茂卿曰書云今商王受無道暴殄天物害虐烝民為天下逋逃主萃淵藪

下流謂淵藪也

子貢曰君子之過也如日月之食焉過也人皆

見之更也人皆仰之馬皇本作也更改也純

曰前章子夏曰小人之過也必文與此互發讀者當以二章參看

衛公孫朝問於子貢曰仲尼焉學子貢曰文武

之道未墜於地在人賢者識其大者不賢者

識其小者莫不有文武之道焉夫子焉不學

而亦何常師之有朝直遙反焉學於虔反下焉不學同墜直類反石經

作墜識舊讀如字朱熹音志○馬融曰公孫朝衛大夫也孔安國曰文武之道未墜落於

地賢與不賢各有所識夫子無所不從學也無所不從學故無常師也邢昺曰焉猶安也

朱熹曰識記也

叔孫武叔語大夫於朝曰子貢賢於仲尼語魚

朝直遙反。○馬融曰魯大夫叔孫州仇也。武諡也。

子服景伯以告子

貢。子貢曰譬之宮牆賜之牆也及肩窺見室

家之好。夫子之牆也數仞不得其門而入不

見宗廟之美百官之富。譬之。皇本作譬。諸石

陸本皆作闕。好如字。夫子之牆也。數仞也。字

皇本有。數色主反。仞一作刃。音同。皇本入下

有者字。○包咸曰。得其門者或寡矣。夫子之云

不亦宜乎。包咸曰。夫子謂武叔也。叔孫武叔毀仲尼子貢曰無以為也仲尼不可

毀也他人之賢者丘陵也猶可踰也仲尼如

於日月也無得而踰焉人雖欲自絕也其何傷

於日月乎多見其不知量也。如字。及絕也。之

祇通。音支。量音亮。○邢昺曰。無以為也者。言

無用為此毀訾也。朱熹曰。土高曰丘。大阜曰

陵。何晏曰。言人雖欲自絕棄於日月。其何能

自知其分量。陳子禽謂子貢曰子為恭也仲尼豈賢於子乎

子貢曰君子一言以為知一言以為不知言

不可不慎也。知音智。下同。○純曰。夫子之不

可及也。猶天之不可階而升也。朱熹曰：階，梯也。夫子

之得邦家者，所謂立之斯立，道之斯行，綏之

斯來，動之斯和，其生也榮，其死也哀，如之何

其可及也。道音導，綏音雖。○孔安國曰：得邦

純曰：立之以下六句，蓋古語。故云所謂前四

句言先王率民以德而民從之。四之字皆指

民斯猶即也。綏，撫綏也。動，謂動衆也。和，謂

堯曰：咨爾舜，天之曆數在爾躬，允執其中，四海

困窮，天祿永終。咨，潛夫論作格。○朱熹曰：此

堯命舜而禪以帝位之辭。邢

昺曰：咨，咨嗟也。爾，女也。純曰：曆數，謂日月星

辰之運行有度數者。帝王臨四海，奉天以行。

故曰：在爾躬也。包咸曰：允，信也。朱熹曰：四

海之人困窮，則君祿亦永絕矣。戒之也。舜

亦以命禹。朱熹曰：舜後讓位於禹，亦以此

命之。今見於虞書大禹謨。比此加

詳。曰：予小子履，敢用玄牡，敢昭告于皇皇后

帝，有罪不敢赦，帝臣不蔽，簡在帝心，朕躬有

罪，無以萬方。萬方有罪，罪在朕躬。皇皇后，反

白虎通作皇天上帝。蔽，必袂反。無，石經作毋。

罪在皇本無罪字。○孔安國曰：履，殷湯名也。

此伐桀告天之文也。殷家尚白，未變夏禮，故

用玄牡也。皇，大也。后，君也。大，大君。帝，謂天帝

也。刑，昺曰：玄牡，黑牲也。昭，明也。包咸曰：順天

奉法有罪者不敢擅赦也。朱熹曰：曰，上當有

湯字簡。閔也。天不賢人。皆上帝之臣。已不敢蔽簡在帝心。惟帝所命。孔安國曰。無以萬方。萬方不與也。萬方有罪。我身之過也。周有大賚。善人是富。賚。力也。朱熹曰。此以下述武王事。何晏曰。周周家也。賚。賜也。言周家受天大賜。富於善人也。有亂臣十人。雖有周親。不如仁人。百姓有過。在予一人。

朱熹曰。此周書泰誓之辭。孔安國曰。周一人。至也。言紂至親雖多。不如周家之多仁人。謹權量。審法度。脩廢官。四方之政行焉。音

亮。焉。皇本作矣。○包咸曰。權。秤也。量。斗斛也。興滅國。繼絕世。舉逸民。天下之民歸心焉。朱熹曰。興滅繼絕。謂封黃帝堯舜夏殷之後。舉逸民。謂釋箕子之囚。復商容之位。三者皆人心之所欲也。所重民食。喪祭

任猶坤也。何氏任只之任

孔安國曰。重民。國之本也。重食。民之命也。重喪。所以盡哀也。重祭。所以致敬也。寬則

得衆。信則民任焉。敏則有功。公則說。皇本無信則民

子張問於孔子曰。何如斯可以從政矣。子曰。尊

五美。屏四惡。斯可以從政矣。皇本問下有政字。○孔安國曰。

屏。除也。子張曰。何謂五美。子曰。君子惠而不費。

勞而不怨。欲而不貪。泰而不驕。威而不猛。皇本

美下有也字。費。芳味反。下同。子張曰。何謂惠而不費。子曰。

因民之所利而利之。斯不亦惠而不費乎？擇可勞而勞之。又誰怨？欲仁而得仁。又焉貪？君子無眾寡。無小大。無敢慢。斯不亦泰而不驕乎？君子正其衣冠。尊其瞻視。儼然人望而畏之。斯不亦威而不猛乎？

皇本擇下有其字焉。於虔反。慢莫諫反。儼

魚檢反。○王肅曰。利民在政。無費於財也。茂

曰。言君子不以寡小而慢之也。○子張曰。何

謂四惡？子曰。不教而殺。謂之虐。不戒視成。謂之暴。慢令致期。謂之賊。猶之與人也。出納之

吝。謂之有司。

殺。漢書作誅。出尺遂反。又如字。納。陸本作內。音納。吝力刃反。○

馬融曰。不戒視成者。不宿戒而責目前成也。朱熹曰。虐。謂殘酷不仁。暴。謂卒遽無漸。茂。卿曰。致。至也。致期。謂使民不知至期也。朱熹曰。賊者。切害之意。緩於前而急於後。以誤其民。而必刑之。是賊害之也。猶之。猶言均之也。孔安國曰。謂財物俱當與人。而吝嗇於出納。惜難之。此有司之任耳。非人君之道也。

子曰。不知命。無以為君子也。

子曰。陸本作孔子。魯論無此章。○

孔安國曰。命。謂窮達之分也。純曰。如所謂不

知禮。無以立也。不知言。無以知人也。

純曰。禮

也。無禮無以立。孟僖子言之。古有是言也。知言。謂知善也。知人。謂知賢也。

言言古言
右凡二十三
六千二十三
字衍二字
共萬
字

論語古訓卷第十

終



太宰弥右衛門撰

元文四年己未夏五月吉
江都書肆嵩山房藏板

寬政四年壬子春再刻

須原屋新六衛

